



Minister di Cultura, Xiomara Maduro ta reacciona:
SMAC no kier pa minister forma parti di Carnaval
Pagina 5

Dialuna 20 di Januari 2025 www.bondia.com Email: noticia@bondia.com Tel: 582-7800 Fax: 582-7044 1,75 Florin

Cantidad di parasol instala den santo na beach dilanti hotel nobo ta causa disgusto den comunidad



Pagina 3

- **Ambulans a bay pa un turista na un hotel na Eagle Beach cu no tabata reacciona**

Pagina 17

- **Camila-Victoria Feliciano y Evah Ras a bira reina Infantil y Hubenil di Carnaval 71**

Pagina 12

- **Centro Medico Corsou y especialista medico ta continua negociacion memey di crisis di personal**

Pagina 8

Concepto di Floating Farm por yuda contribui na seguridad di cuminda na Aruba



Pagina 2



Mexico ta expande ayudo pa migrante regional na Latino America

Pagina 10



Inauguracion di Trump ta e prome cu presencia di lidernan stranhero

Pagina 24

WELCOME 2025
WITH A HIGH 5
JANUARY 1 - 21, 2025
\$5,500 IN PRIZES

THE CASINO AT
THE RITZ-CARLTON
ARUBA

Seminario riba proyecto innovativo cu ta expande cria y plantacion riba awa

Concepto di Floating Farm por yuda contribui na seguridad di cuminda na Aruba

Cria cabrito y galiña riba lama, procesa nan produccion ademas cu ta produci berdura y aromatico den forma hidropónico. Esey ta e vision di Director di Departamento di Agricultura, Cria y Pesca (Santa Rosa) y Presidente di Dutch Caribbean Agriculture, Livestock and Fisheries Alliance, DCALFA, Nathalie Maduro. Durante un seminario na , Maduro hunto cu e team di Santa Rosa a presenta e concepto di Floating Farm, un proyecto di agricultura inovativo di Peter y Minke van Wingerden, kendenan ta e visionarionan tras di e prome 'floating farm' na mundo.

"Ya nos a pasa di e narativo cu produccion di cuminda ta impractico, pa motibo cu e ta rekeri hopi labor, ta competi cu turismo y ta contribui masha poco na nos producto bruto nacional. Mundo a cambia, y nos tambe," ta locual economista Rendell de Kort a bisa na inicio di e seminario. De Kort, kende a haci un introduccion riba e tema di seguridad di cuminda a trece e puntonan cu ta importante pa Aruba, esta e demanda di turismo, e tendencia pa consumi productonan mas saludabel, y resiliencia economico cu por yuda e comunidad supera periodonan dificil, manera tempo di e pandemia. "Con agil nos ta pa adapta na e cam-



bionan aki? Nos tin e curashi pa experimenta y innova." De Kort a ilustra cu ya caba tin e prome pasonan. E concepto di hidropónico ya ta estableci na Aruba y companianan manera Qredits ta yuda diversifica empresaria den agricultura na Aruba.

E concepto di agricultura y cria riba awa tin hopi potencial pa Aruba, segun Nathalie Maduro. "E ta alinea cu nos metanan comparti riba sostenibilidad, resiliencia y innovacion. Un proyecto di plantamento y cria cu ta flota por ta un modelo pa produccion di cuminda y tambe un simbolo con creatividad y tecnologia nobo por transforma retonan den oportunidad," Maduro a bisa.

Y Aruba tin hopi reto. Manera cuakier isla chikito den desaro, Aruba ta confronta falta di espacio, dependencia riba importacion y impacto di cambio di clima. "Ta retonan cu ta rekeri solucion audaz."

Kico ta 'Floating Farm.'

Peter van Wingerden, arquitecto, a haya e idea pa haci uso di balsa pa agricultura, despues cu el a haya e encargo pa diseña casnan flotante riba e riu Hudson na New York. E mesun periodo ey, na 2012, Horcan Sandy a impacta e ciudad di tal forma cu no tabatin ningun cuminda den supermercado. Un ciudad moderno manera New York a keda sin cuminda pa su miyones di habitante. Y asina e pensamiento di sostenibilidad y seguridad di cuminda a bira un enfoko di e ingeniero. A logra presenta un plan na municipio di Rotterdam y cu un inversion di tres miyon euro a realisa e proyecto cu ta inclui un balsa di tres nivel unda te hasta ta cria baca. Intencion di e proyecto ta pa e bira 100 por ciento dependiente di produccion di coriente propio, pero en todo caso, segun van Wingerden, henter e proceso di produccion di entre otro lechi y keshi ta circular.

A pesar di no tin subsidio, a logra cera alianza na Rotterdam cu sector priva y publico, unda ta colecta resto di cuminda pa prepara locual mester pa cria e bacanan, ademas cu ta reusa tur locual e animalnan mes ta produci, pa enrikece e produccion di berdura. "Nos ta hasta usa e sushi di bacanan pa traha bloki cu por usa pa construccion," van Wingerden a splica durante e seminario. E idea mientrastanto ta hayando hopi atencion rond mundo, for di Vietnam te na Dubai. Y



si tur cos bay segun vision di Maduro, kizas na Aruba y den region tambe.

Y esey tabata su meta pa a invita meta e representantenan di Floating Farm, esta pa traha un estudio di viabilidad pa Santa Rosa, di forma cu por identifica e areanan pa ubica un sistema asina, ademas di crea e espacio pa inversionistanan y particularmente agricultornan na Aruba participa den un proyecto asina.

"Colaboracion entre tur sector, cu ta esun publico, priva, actornan involvi y tambe academia, ta elemental pa sigura exito di e iniciativa aki." Pa tal motibo mes cu a invita tur director di departamento publico relevante ademas di ehecutivonan di APA, WEB y ELMAR, mirando cu tur tin un papel pa hunga den realisacion di proyectonan, pa e seminario aki. Tambe a extende invitacion na Min-

isternan demisionario Ursel Arends di medio ambiente y Geoffrey Wever di Economia. Aunke cu varios, incluso e Ministernan no a atende, e interes di instancianan manera Aruba Conservation Foundation, Directie Natuur en Milieu (DNM) y tambe Obran Publico (DOW), pero tambe APA y ATA tabata grandi.

Despues di e presentacion, Peter y Minke van Wingerden a haya un recorrido di e zona costal di Aruba, ademas di a bishita Aruba Conservation Foundation, pa asina por duna un miho evaluacion riba e posibilidadnan pa Aruba.

E estudio mes ta costa 16 mil florin cu ta sali di e presupuesto di Santa Rosa, pero pa realisacion di e proyecto, Nathalie Maduro ta kere cu e ta uno di sector priva. "Pasobra Gobierno mes no tin placa," el a bisa.



Cantidad di parasol instala den santo na beach dilanti hotel nobo ta causa disgusto den comunidad

Recientemente riba rednan social ta circula un potret den cual por mira un cantidad di parasol poni den santo canto di lama dilanti un hotel nobo cu pronto lo habri su portanan. E publicacion di e potret aki a causa un ola di reaccion di parti di tanto turista como localnan cu ya caba ta disgusta pa e situacion di hotelnan cu tin na e isla.

Aña pasa un hotel nobo a habri su portanan y e aña aki dos otro hotel, of sikiera un parti di nan, ta programa pa habri nan porta.

No ta un secreto cu e construccion di mas hotel ta un topico sensitivo, specialmente pa e ciudadanonan local ken pocopoco ta sinti cu nan ta perdiendo nan derecho como ciudadanonan di e isla pa haci uso di e lamanan di Aruba libremente.

Na mas di un ocasion a bin dilanti casonan den cual ciudadanonan ta expresa nan malcontento pa motibo cu cierto hotelnan kier apodera di e lama, of ta pone palapanan riba lama y kier pa esakinan ta priva solamente pa nan bishitantenan.

Na Aruba tin e ley ‘Landsverordening openbare wateren en stranden’ (Ordenansa nacional awanan publico y nos playanan) cu ta stipula cu tur lama na Aruba ta publico. E ley ta dicta: “Den e ordenansa aki y e disposicionnan basa riba dje ta compronde cu awa publico ta awa cu ta accesibel na tur, limita of no, den virtud di normanan di derecho publico.”

Un publicacion recien riba rednan social a bolbe trece dilanti e topico aki. E e potret en cuestion ta muestra con un hotel cu pronto lo habri su portanan na Aruba a instala un cantidad di parasol pa tapa solo den santo na canto di lama pa nan bishitantenan. Un cantidad di usuario a comenta riba e potret aki pa expresa nan disgusto, mientras hopi otro a cuestiona si e ta legal pa haci esey, y otro nan a puntra ta na cual lama e ciudadanonan lo por bay e ora pa disfruta di un dia den famia na lama.

“Esaki ta pasa ora bo bende patria. Danki na nos politiconan di cracker jack. Enjoy pa nan core bo for di bo mesun tera paso e beach ta pa tur hende. Pami nan kita tur e palapanan,



ta dimas,” un usuario a indica. Mientras otro a remarca cu si localnan dicidi di sinta bou di e parasolnan no por core cu nan pasobra lama ta keda publico.

Otro usuario a indica cu esaki ta un situacion cu ta sucede mas hotel. E usuario a splica den su comentario cu e tereno di hotel ta core te cierto caminda y na e resto di e lama en realidad, segun e usuario ta señala, no mag di pone e parasolnan aki.

“Es ta un ABUSO...Mi ta kere ta ora pa localnan just bay trankil y sinta rond di e parasolnan SIN mishi nada...Gewoon sinta rustig asina y enjoy cu e muchanan”; “Beach ta publico! Pero nan a bin ta kitando loke ta di nos”; “Esaki no mag! Aruba no conoce beachnan priva”; “Unda e localnan ta bay sinta anto?” ; “No di acuerdo, no ta importa con caro e hotel ta. Nos mester defende nos beachnan” ; “Absolutamente cu

no! A lo menos cu e hotel tin un convenio cu instancia local,



anto ni asina pasobra beachnan na Aruba ta publico,” ta algun di e otro comentarionan cu usuarioman a publica.

Otro usuario preocupa a resalta cu mester pueblo di Aruba mester lanta ariba y tuma accion pa kita tur e parasolnan aki. “Mester kita tur e palapanan paso nan keda e ta muestra cu ta intimida e pueblo y spanta hende pa no bay eyan, esey ta un poder psicologico cu hotelnan ta usa. Nan sa cu Arubiano no ta haci nada, p’esey e cosnan ki ta pasa cu nos. Tristo, nos mester move. Haci algo!! Minister ta esun nan mas culpabel, nan a firma,” e usuario a remarca.

Den e comentarionan un usuario, cu segun el a indica ta traha riba beach y ta Arubiano, a splica cu e cantidad di parasolnan poni ta legal. El a sigui splica cu palapa ta publico y no ta nada si ta di hotel of no, Arubiano, turista, bestia mes por sinta bou di un palapa sin problema.

Pero den e caso di un parasol el a indica cu parasol no ta publico manera un palapa y un persona no por djis bay yega sinta bou di dje si un hotel of compania di watersport ta set up e parasol. “Publico NO tin derecho di hal’e of sinta bou di dje AUNKE beach ta publico,” e a usuario a enfatisa,

E publicacion di e potret aki tambe a trece dilanti e disgusto di hopi ciudadano local, y turista tambe, pa loke ta e construccion y apertura di e hotel na Sero Colorado. Desde e anuncio di e construccion di e hotel aki na Sero Colorado, ciudadanonan local a expresa nan desacuerdo pa motibo cu ta sinti cu esaki lo “kita” e beach for di e localnan.

Baby Beach ta un di e lamanan mas popular na Aruba cu tanto turista como local ta disfruta di dje y ta uno cu hopi persona ta frecuenta. Cu e apertura di e hotel na Sero Colorado, ciudadanonan tin miedo cu e hotel ta bay purba tuma e lama over, haci mescos ta haci cu otro lamanan den e area di High Rise Hotels y restringui localnan di disfruta di e lama.

Falta di claridad den e topico a trece hopi confusion y disgusto entre tanto turista como localnan cu ta haci uso di palapanan pa proteha nan mes di e solo fuerte di Aruba mientras nan ta disfruta di nan dia na lama.

Aruba tin sosten y guia di coleganan Ombudsman pa lanta e institucion di e miho forma posibel

Recientemente a tuma luga e encuentro anual entre Ombudsmannen di Reino aki na Aruba cu a conta cu presencia di Ombudsmannen di Corsou, Sint Maarten, Hulanda y di Aruba, ken pa prome biaha ta participa den un encuentro entre Ombudsmannen despues cu Sra. Jurima Bryson a keda nombra como e prome Ombudsman di Aruba den luna di october ultimo.

Diamars ultimo despues di un charla informativo tocante e rol y trabou cu un Ombudsman ta eherce miembronan di prensa local tabatin e oportunidad pa dirigi algun pregunta na e Ombudsmannen presente.

Un di e topiconan principal di e encuentro anual di Ombudsmannen tabata pa brinda sosten y guia na e Ombudsman di Aruba. Un di e preguntanan cu a bin dilanti tabata ki otro topico a bin dilanti durante e dianan di e encuentro anual of si tabatin algun acuerdo cu a ser realisa entre e cuater Ombudsman.

Ombudsman di Hulanda, Sr. Reinier van Zutphen a splica cu a papia tocante topiconan importante cu tur cuater Ombudsman lo kier investiga. Un di e topiconan aki ta inclui, por ehempel, awa limpi. El a indica cu esaki ta algo cu tur hende tin derecho riba esaki y pa e motibo ey ta un topico cu mester investiga.



Otro topiconan cu el a menciona tambe ta personanan indocumenta, personanan cu problema cu inmigracion, abuso di mucha y abuso di hende muhe, entre otro. El a indica cu otro topico cu nan discuti tambe ta loke ta pasa cu studiantenan cu ta bay Hulanda, con nan ta adapta, si gobierno ta brinda suficiente ayudo, por ehempel.

E Ombudsman di Hulanda a remarca cu varios topico cu nan a discuti y cu mester di nan atencion, pero mester a scoge dos of tres topico pa enfoca riba dje den e aña binidero.

Pa loke ta e sosten cu e Ombudsmannen ta brinda Aruba, el a splica cu como cu esaki ta e prome Ombudsman di Aruba, e mes ta esun cu ta marca y ta dicidi con cos ta bay akinan. El a indica cu como e otro Ombudsman nan tin varios aña di experiencia, algun mas cu otro, nan ta brinda e sosten y guia basa riba esaki y ta comparti e experiencianan cu nan a pasa aden durante e ultimo añanan y e manera cu nan a atende cosnan.

E Ombudsman di Hulanda a sigui splica cu parti di e sosten ta inclui tambe cu e eronan cu e Ombudsmannen a comete pa no ser ripiti na Aruba y e cosnan cu a bay bon kisas si por pone den practica atrobe aki.

El a sigura cu e Ombudsmannen no tin e intencion pa bisa e Ombudsman di Aruba con pa haci e cosnan na Aruba, pero mas bien nan tabata kier scucha cu nan colega nobo ta kere cu e ta bay haci'e na Aruba y con nan por pone nan experiencianan banda di dje.

“Pues Aruba ta na cabes. Y nos ta mira kico nos por haci cu nos mesun experiencia di e tres paisnan unda nos ta trahando. Con nos por yuda e ora ey den lantamento di e oficina lihe. Mi ta sigur cu Aruba awor ta wardando ki dia e lo cuminsa di berdad. Wel, nos tambe kier yuda cu esey cu e lo ta realmente un

gran comienso,” el a enfatisa.

Otro aspecto cu a bin dilanti ta e hecho cu na Aruba e ley di Ombudsman ta diferente y ta inclui e utilidadnan. Esaki, e Ombudsman di Hulanda a splica cu lo tin un cambio den e resultado di e Ombudsman. El a indica cu e ta diferente na Hulanda, y na e otro islanan tambe pasobra e ley no ta inclui e utilidadnan.

El a menciona cu e principionan di Venesia tambe ta contene algo tocante esaki y su mes ta hopi curioso tocante e ta bay cana cu e coleganan cu si tin e oportunidad pa bisa algo al respecto y con esey lo funciona pasobra nan no ta gobiernonan, nan ta institucionnan priva al fin y al cabo.

“Esey ta loke mi a bin p’e. Pa tende con cos ta bay aki. Pa mi por usa esaki atrobe pa bisa na Hulanda nos no mester haci esey tambe? Nos mester organisa asina aki na Hulanda? Loke mi kier di berdad den mi curason,” e Ombudsman a indica.

Pa loke ta e conseho cu e Ombudsmannen tin pa e Ombudsman mas nobo, Sra. Jurima Bryson di Aruba, Ombudsman di Corsou, Sr. Keursly Concincion a indica cu di su propio experiencia e ta conseha e Ombudsman di Aruba pa keda den contacto cu gobierno, pasobra e Ombudsman mester haci e trabou su mes, pero no por haci'e su so. El a resalta cu pa e motibo ey e Ombuds-

man mester di cooperacion di e ministernan, di e ambtenaarnan, y mester di sosten di parlamento.

Ombudsman di Sint Maarten, Sra. Gwendolien Mossel a ratifica cu en berdad bon contacto ta sumamente importante pa e efectividad di e Ombudsman y a agrega cu mester djis sigui bay, y no give up. El a agrega cu mester keda papia di e trabou di Ombudsman, mester keda trece dilanti kico e rol di e Ombudsman ta y mester djis purba keda trece esaki dilanti den diferente manera cada biaha.

Ombudsman di Hulanda, Sr. Reinier van Zutphen a ratifica e importancia di e trabou di e Ombudsman y a resalta cu esaki ta entre otro pa recorda gobierno y institucionnan cu pueblo tin un defensor cu t’ey pa apoya nan y pa recorda nan cu tin acuerdonan na luga di con cosnan tin cu cana y con mester trata hendenan.



Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhouth
Francis Dirksz

Colaboracion

Associated Press
Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Minister di Cultura, Xiomara Maduro ta reacciona:

SMAC no kier pa minister forma parti di Carnaval



Durante weekend, Darren van Ommeren, presidente di SMAC y minister di Cultura, Xiomara Maduro a enfrenta otro den un guerra di palabra tocante participacion den Carnaval. Na final, parce cu e disputa a keda resolvi.

Tur cos a cuminsa na momento cu a ripara cu prome minister of minister di Cultura no tabata haciendo e acto di coronacion den algun evento di Carnaval, manera ta tradicion.

Medionan di comunicacion local a acerca presidente di SMAC, Darren van Ommeren, kende a confirma cu a bin cu otro maneho. Van Ommeren a splica cu, cu ocasion di e di 10 aniversario di SMAC, a dicidi di duna diferente 'honor' na persona, institucion of organisacion cu a coopera cu SMAC durante e 10 aña aki. Esaki tabata e caso por ehemplo na momento cu CEO di ATA, Ronella Croes, a cende e flambeau cu a haci apertura di Parada di Flambeau (Lighting Parade.)

Maske Van Ommeren a bisa cu e decision tabatin motivacion politico, si el a menciona cu SMAC no ta conta cu sosten financiero di gobierno di Aruba, indicando cu e organisacion ta depende completamente di sector priva pa patrocinio. El a bisa cu gobierno ta coopera door di duna

permiso na cierto instancia di gobierno, manera polis y DOW, pa presta servicio pa SMAC.

Reaccion di minister di Cultura

Riba su pagina di Facebook, minister demisionario di Cultura, Xiomara Maduro a comparti un screenshot di Van Ommeren mientras e tabata duna comentario na prensa local. El a reacciona bisando cu "Darren y SMAC no kier pa minister di Cultura y tampoco Minister President forma parti di Carnaval."

"E motibo segun Darren," Maduro a skirbi, "ta pasobra gobierno no ta duna SMAC placa. Wel, gobierno ta yuda SMAC cada aña cu 1.2 miyon florin na servicio cu ta wordo duna for di varios departa-



mento di gobierno. Sin e servicicion aki, SMAC no por garantisa Carnaval di Aruba."

Maduro tambe tabatin clarificacion tocante e contribucion di otro organisacionnan cu ta sostene SMAC y cual Van Ommeren a 'honra' cu cierto accion den Carnaval. "Darren y SMAC ta lubida cu e sponsor di ATA y UNOCA ta fondo publico e ta cu ta wordo genera y administra pa Gobierno di Aruba. Sin conta cu e oficina cu SMAC ta aden na Plaza Betico Croes ta Gobierno di Aruba ta paga p'e."

Finalisando, Maduro a skirbi: "E ta un falta di respet pa Darren y SMAC trata asina cu Minister di Cultura y Minister President di Aruba cu ta den funcion di representacion di Pueblo di Aruba. Anto ta danki na e vergunning cu Gobierno di Aruba ta otorga na SMAC, nan por organisa Carnaval. Mundo riba su cabes berdad."

Prome minister ta haci e acto di coronacion



Pa ayera tardi, ya medionan local tabata reportando cu SMAC a cambia di opinion, y a dicidi pa permiti e minister presidente corona reinanan di Carnaval manera tabata custumber en bes di duna e honor aki na patrocinadornan di SMAC.

Sinembargo, despues cu gobierno a expresa malcontento cu e decision aki, a reporta cu SMAC a haci un invitacion pa minister presidente, Evelyn Wever-Croes corona Reina Grandi y Sra. Carnaval ayera nochi.

Manera tur aña, esaki no tabata e unico critica contra e organisador di Carnaval. Otro incidente cu a hala atencion tabata riba e red social X, unda hopi ta gusta expresa nan comentario en bibe riba eventonan di Carnaval, specialmente Eleccion di Reina. Un cuenta cu ta hala hopi atencion ta di celebridad y diseñador di moda, Ronchi de Cuba, kende ta deleita cu su comentarionan skerpi pero al caso.

Y un comentario cu sigur a hala atencion tabata momento cu el a bisa cu el a scucha algo cu cual e no ta di acuerdo: "No ta adecuado pa famia di un candidata sponsor SMAC," el a comenta. Na final, De Cuba mes a aclaria cu SMAC a informa su persona cu "e no ta un sponsor financiero. Cu e compania ta cu nan desde cu Darren a bira president. E compania ta yuda cu warda carosa y skelet di Momo."

Di su banda, SMAC su cuenta oficial a repost e aclaracion di De Cuba.

Minister Ursell Arends:

Seguro pa piscadonan ta keda tarea pa e proximo gobierno

Un di e proyectonan cu lo no keda realisa prome cu cambio di gobierno ta un seguro general pa piscadonan, asina Minister di Naturalesa, Ursell Arends a duna di conoce.

Rond mundo por mira e impacto devastador di cambio climatico. Aruba lo no scapa di esaki. Pa por prepara nos mes pa por enfrenta un clima mas agresivo, Minister di Naturalesa a pidi asistencia di diferente instancia y expertonan di Merca y Hulanda. Tanto Stimson Center di Merca y Climate Adaptation Services di Hulanda ta analisando kico cambio di clima realmente lo nifica pa Aruba. Di e forma aki nan lo yuda Aruba formula un plan strategico pa atende cu cambio climatico. Basa riba informacion cientifico Aruba lo por dicidi kico por haci y den kico mester inverti.

“Pero mientras ta canando e pasonan aki, nos no mester warda riba ningun hende pa bisa nos cu nos piscadonan lo ta entre e promenan cu lo wordo afecta,” minister Arends a menciona. “Nos no mester warda resultado di ningun investigacion pa nos tuma pasonan pa proteha nos piscadonan y nos industria di pesca.”

Un di proyectonan di Ministerio di Naturalesa tabata pa cera un seguro cu lo cubri e piscadonan contra desaster-



nan natural. Cu cambio di gobierno, e proyecto aki ta keda un tarea pa e proximo gabinete.

“Esaki ta un seguro special y cu bo no por cumpra unda cu ta,” Minister a cuminsa na splica, “ta diferente pais den nos region a bin hunto pa traha riba un sistema di seguro cu por cubri ful un sector economico, manera pesca, contra impacto di cambionan climatico. Esaki ta na beneficio di e piscadonan, pero alabes ta reforsa siguridad di alimentacion pa nos tur.”

Minister Arends ta splica cu e instancia CCRIF tin un producto di seguro pa calamidad

cu a keda demostra di ta efectivo. “E tipo di seguro aki ta paga rapido, y nos piscadonan ta wordo compensa rapido pa asina nan por ekipa nan mes back na un forma eficiente pa nan por sigui haci nan trabou.”

Pa e motibo aki Minister Arends a haci un apelacion na Santa Rosa y departamento di asuntonan economico (DE-ZHI) pa hunto cu e comision nacional di cambio climatico (NCRC) duna prioridad na e proyecto aki y haci tur lo posibel pa trece e proyecto na atencion di e proximo gabinete. Tur tres instancia conoce e seguro di CCRIF, pero loke falta ta pa Gobierno

pone esaki riba presupuesto.

“Mi tin tur confiansa cu e proximo minister di naturalesa of di sector primario lo compronde e peliger cu cambio climatico ta trece pa nos hendenan y sigur pa nos piscadonan, y cu e Gabinete nobo lo haci tur loke ta posibel pa pone fondonan disponibel den presupuesto di nos pais pa asina proteha nos piscadonan,” Minister Arends a reacciona.

Impacto di cambio climatico pa Aruba

Mei di aña pasa, International Panel on Deltas Coasts and Islands (IPDC) a lansa e rapport tocante e estado

di adaptacion climatico den deltanen, areanan costal y islanan, cu contribucion di tur isla den Caribe Hulandes. E rapport ta un compilacion di contribucion activo di Aruba, Boneiro, Corsou, Sint Maarten, Saba y St. Eustatius, y ta provee un analisis profundo di e desafionan climatico cu e islanan ta enfrenta, hunto cu strategianan y plannan relaciona cu adaptacion climatico.

E rapport, cu ta disponible riba e website di National Climate Resilience Council of Aruba, ta indica cu e delta-, costa- y islanan chikito ta particularmente vulnerable pa e impacto di cambio climatico. E areanan aki hopi biaha ta densamente pobla y nan ta di importancia crucial pa sociedad, economia y ecosistema.

Aruba tambe a participa na e rapport aki, cual ta indica cu como un isla chikito cu un economia habri, Aruba ta altamente expuesto y vulnerable pa varios shock exterior, incluyendo, pero no limita na, shock financiero-economico y geopolitico, como tambe shock ambiental y climatico. Den termino di exposicion y vulnerabilidad di cambio climatico, e rapport ta señala cu Aruba ta expuesto na tanto shock climatico como kimaumento climatico lento. Ademá e ta resalta cu volatilidad climatico y patronchi di clima extremo a aumenta durante e ultimo siglo.

Accidente basta serio despues di persecucion cu posibel tiramento banda di Carnival Village

Diasabra madruga a drenta informe di un accidente basta serio banda di Carnival Village, mesora a dirigi tanto polis como ambulans na e sitio.

Na yegada di e patrulla a bin compronde cu aki lo ta trata di un caso di persecucion cu posibel tiramento cu arma di candela. E chauffeur den e auto lo a perde control bay dal riba un palo di luz y un mata di kwihi y a keda pega den e ruina di e auto te cu mester a solicita e equipo di rescate di bombero pa asina libera e victima. Manera a logra libera e victima, a transport’e cu urgencia pa hospital mientras investigacionnan a sigui na e sitio. Durante e investigacionnan cu a sigui a logra haya marcanan di tiro di arma di candela riba e auto. Polis a sigui cu su investigacionnan.



Albert Heijn ta haci otro yamado pa debilbe andijvie contamina

(NLTimes)—Cadena di supermercado Albert Heijn a anuncia un otro yamado pa debilbe su producto di 400 gram di AH andijvie debi na nivelnan halto di e pesticidio tau-fluvalinate. E compania a adverti cu consumo en excesivo di e berdura contamina por resulta den sintomanan leve manera dolor di cabs y nausea.

E yamado ta aplica pa e saco di 400 gram di AH andijvie cu un fecha di vencemento di



19 di januari 2025. Clientenan cu a cumpra e producto aki a

ser conseha pa no consumi'e y debilb'e na e tienda pa un reembolso completo.

“Nos ta compronde cu e yamado aki por causa preocupacion of pregunta, specialmente despues di e incidente cu nos blueberrynan congela na comienso di siman,” e compania a bisa ayera. “Nos kier enfatisa cu yamadonan di debilbimento asina ta excepcional y ta parti di nos compromiso pa garantiza e



standardnan di seguridad mas halto riba nos comestibelnan. Nos ta tumando medidanan continuo cu nos partnernan pa preveni situacionnan asina. Nos ta duna disculpa profundo pa e inconveniencia aki.”

Na comienso di siman, Albet Heijn tabata den luz publico pa via di su yamado pa debilbe blueberrynan congela cu tabata contamina cu hepatitis A. Mas cu 30 persona a reporta sintomanan conecta cu e fruta contamina, y e Rijksinstituut voor Volksgezondheid en Mi-

lieu (RIVM) a indica cu e cantidad di infeccion por ta par centenares.

Albert heijn actualmente ta investigando con e virus di hepatitis A a contamina e blueberrynan suministra pa un distribuidor Polaco. “Ta posible cu un empleado infecta no a laba su mas adecuadamente despues di bay baño,” segun representantenan di RIVM. “Cu mal higiena, tin chens cu un persona infecta lo transmiti e virus pa e blueberrynan.”

Un bista na e fenomeno ‘Blue Monday’ na Hulanda



(NLTimes)—Blue Monday, describi frecuentemente como e dia mas depresivo di aña, ta cay riba un dialuna den e ultimo siman completo di januari. E termino aki a ser introduci pa prome biaha pa un psicologo Britanico na 2006, y ta sugeri cu factornan manera resolucioannan no cumpli, e temporada scur y e espera largo pa zomervakantie ta crea un dia di melancolia.

Mientras e idea di Blue Monday a bira un herment poderoso pa marketing, data climatico ta revela un pintura mas complica di e melancolia berdadero, manera weeronline ta reporta.

Desde 1906, Hulanda a registra 34 Blue Monday completamente sin solo. Esun mas recien a sucede na 2014, y instantianan anterior ta inclui 2013, 2008 y 2004. Añanan 1980 a mira hopi nubia riba Blue Monday, incluyendo esnan na 1987, 1985, 1984 y 1982. Durante añanan 1990, solamente 1990 tabata completamente sin solo.

Den e ultimo 50 aña, tabatin solamente nuebe Blue Monday cu a combina un falta di solo y yobida pisa. Esey a pasa na aña 2014, 2013, 2008, 2004, 1990,

1987, 1985, 1984 y 1982. Na 2014, e dia a mira 0.5 mm di yobida bao shelonan completamente nubla, mientras 2013 a mira yobida di 2.1 mm. Yobidanan mas pisa a sucede na 2008, cu 16 mm y na 2004, cu 20 mm.

Riba tur Blue Monday, 72% a mira algun nivel di yobida fini. Esun mas muha a sucede na 1956, ora 24 mm di yobida a cay, sigui pa 2004 y 2008. Sinembargo, durante e ultimo añanan, Blue Monday tabata relativamente seco. No a registra ningun yobida na 2023, 2022, 2020, 2019, 2017, 2010 of 2006.

Mientras cu yobida ta relativamente comun, Blue Monday sin solo ta menos frecuente. E ultimo Blue Monday completamente nubla y cu yobida na Hulanda tabata na 2014. Aunke e fenomeno aki a ser referi como un concepto cientifico, Blue Monday a tuma un bida di su mes como un fenomeno comercial. Awor esaki ta ser usa como un dia pa promove ofertanan, dirigi pa anima hende su spirito durante e dianan mas scur di januari.

Na Hulandes, e frase “Blue Monday” tambe ta referi na algo corto, cual ta contribui na su uso den cultura popular.



Peticion pa Kavel Carnaval 71

E FORMULARIO TA RIBA WEBSITE PA DOWNLOAD

Por deposita e formulario aña 2025 Den buzón seya pa notario na DIP, entre 7:30 AM - 4:00 PM. Tur MEDIA y FUNDACION por entrega nan peticion por escrito na bali di DIP

Con pa Aplica:

Stap 1: Download y Print e Formulario di Peticion

Formulario ta disponibel na <https://www.dip.aw/carnaval-71/>. Cada formulario tin 4 peticion. Pues mester corta esaki prome cu entreg'e.

Stap 2: Yena e formulario Completo y Corecto

Formularionan incorrecto of incompleto lo ser considera invalido.

Stap 3: Pega Zegel/ Stampia na e formulario

Cada formulario mester tin un Zegel/ Stampia na balor di Awg. 4,- obtenibel na Post Kantoor.

Stap 4: Entrega Formulario

Despues di controla cu e formulario ta completo y corecto, deposita e formulario den buzón na DIP, den Hal di Infra Gebouw na Sabana Blanco 68.

Pa mas informacion tuma contacto na: 527-7100 of [dip.aw](https://www.dip.aw)

Gobierno di Sint Maarten evaluando eliminacion di impuesto riba herencia y tereno



(TheDailyHerald) – Gobierno di Sint Maarten ta evaluando e posibilidad pa aboli e Ordenansa di Impuesto riba Herencia, e Regulacion di Impuesto riba Tereno, y e Ordenansa Nacional cu ta regula e tarifa di cobranza riba evaluacion di impuesto riba tereno.

Minister di Finanzas, Marinka Gumbs a informa Parlamentarionan di esaki mientras e tabata contesta pregunta riba e di tres dia di e debate riba propuesta di presupuesto 2025 siman pasa. A puntr'e tocante eliminacion di impuestoonan anticua, y kico ta e alcance y e cronograma pa esaki.

E minister a bisa cu e alcance ta pa elimina e Ordenansa di Impuesto riba Herencia; e Regulacion di Impuesto riba Tereno y e Ordenansa Nacional regulando e tarifa di cobranza riba evaluacionnan di impuesto riba tereno. El a bisa parlamentarionan cu tin un propuesta di ley cu tambe ta inclui 'Tax Holidays'.

"Sinembargo, manera mi a informa Parlamento anteriormente, mi ta evaluando pa mehora e facilidad di impuesto aki en bes di skirbie di nobo," el a bisa.

Parlamento di Corsou ta bay tene sesion informativo riba propuesta di legislacion pa cuenta basico di banco



(CuraçaoChronicle) – Presidente di Parlamento Curasoleño, Charetti America-Francisca a ricibi e solicitud formal pa organisa un sesion tecnico di informacion riba e Ordenansa Nacional pa un cuenta di pago basico pa consumidornan.

E legislacion proponi aki tin meta pa sigura cu tur ciudadano tin acceso na un cuenta di banco simple, pagable, cual e proponentenan ta argumenta ta un derecho humano fundamental.

E solicitud a keda entrega pa Parlamentarionan Gilbert Doran, Zita Jesus-Leito, Anthony Godett y Corinne Djaoen-Genero. Den nan carta, nan ta enfatisa e importancia di un cuenta di banco como un necesidad basico pa participacion economico y social. Nan tambe

a resalta e necesidad pa comunicacion cla relaciona cu e costo y beneficio di e cuenta basico pa sigura cu consumidornan ta bon informa.

Ta spera cu e sesion ta bay inclui representantenan di e Asociacion di Bankero di Corsou, Banco Central di Corsou y Sint Maarten, y Fundacion pa Consumidor. E stakeholdernan aki ta spera di duna un bista di e estructura di costo, supervision regulatorio y balor agrega di e cuenta proponi.

E iniciadornan ta argumenta cu e asunto ta di importancia social significante y cu mas discusion parlamentario ta esencial pa evalua cuidadosamente e implicacionnan di e legislacion. E meta ta pa sigura cu tur ciudadano di Corsou tin acceso na servicionan bancario esencial, fomentando un miho inclusion financiero y igualdad.

Centro Medico Corsou y especialista medico ta continua negociacion memey di crisis di personal

(CuraçaoChronicle) – Negociacion entre management di Centro Medico Corsou (CMC) y specialistanan medico, representa pa e Landelijke Vereniging van Medische Professionals in dienstverband Curaçao (LVMPIDC), ta andando bao un blackout mediatico acorda.

E discusionnan ta enfoca riba resolve malcontento pa escasez cronico di personal, cantidad enorme di trabao y insuficiente compromiso di CMC. E specialistanan a menasa di traha estrictamente segun nan contract, loke por pone mas presion riba e sistema di cuida di salud na e isla.

E situacion, segun reportanenan, ta alarmante, cu CMC mandando un carta di preocupacion na minister di Salud,



Medio Ambiente y Naturalles, Javier Silvania (MFK), advirtiendole di e potencial collapse di e servicionan di cuida di salud pa motibo di e sobrepeso. Un solucion potencial cu ta siendo sugeri ta pa haci un excepcion pa e specialistanan for di e LNT

(Landsverordening normering topinkomens), of pa aumenta e limite di salario.

Mientras cu ambos banda ta determina pa haya un solucion, ainda tin incertidumbre si ta bay por yega na un acuerdo. Mas detaye ta bay bira conoci

solamente unavez cu yega na un decision.

Preocupacion den Tweede Kamer

Mientras tanto, tres dia prome, parlamentario Hulandes, Faith Bruyning (NSC) a expresa preocupacion serio tocante e situacion precario na CMC. Durante un debate di comite cu Secretario di Estado pa Relacionnan di Reino, Zsolt Szabo, Bruyning a haci un yamado pa gobierno Hulandes asumi un rol mas activo.

Den su discurso, Bruyning a resalta e estado alarmante di cuida di salud na Corsou, enfocando riba e problemanan di CMC cu fondonan insuficiente, escasez di personal y deficit di recurso. "Centro Medico Corsou ta den situacion critico, menasando no solamente e sistema di cuida

di salud di e isla sino tambe e bida di su residentenan y otro nan cu mester di cuida," el a declara.

Bruyning a resalta cu cuida di salud adecuado ta un derecho humano fundamental y e estado actual di CMC ta compromete e calidad di cuida disponible pa ciudadanonan Curasoleño.

El a argumenta cu e funcion di salvaguardia di Reino, delinea den Statuut di Reino Hulandes, ta obliga gobierno Hulandes pa interveni ora derechonan fundamental ta den riesgo.

Szabo a reconoce e preocupacion pero a enfatisa cu cuida di salud ta un responsabilidad local pa Corsou. El a nota cu gobierno Hulandes a ofrece sosten na administracion Pisas relaciona cu CMC, pero cu e oferta no a keda acepta.

Gruponan di moskee ta considera accion huridico contra De Telegraaf

(NLTimes) - K9, un coalicion di organisacionnan regional di paraplu di moskee na Hulanda, ta considerando tuma accion legal contra De Telegraaf, citando e supuesto cobertura negativo continuo di e corant di Musulmannan. E K9 ta pretende cu e articulonnan di e corant ta contribui na instigacion y e stigmatizacion di e comunidad musulman.

Den un declaracion emiti di adomingo, e K9 a mostra riba un articulo di comienso di e aña aki den cual un maestro di historia Islamita cu sede na Utrecht a ser acusa pa e corant di ta curasha no-integracion. E articulo a referi na un yamada di e maestro pa duna muchanan nombernan Islamico, un practica cu De Telegraaf a sugeri cu por descurasha integracion.

E K9 a yama e declaracion aki "absurdo" y factualmente incorrecto, agregando cu ta un derecho fundamental pa individuonan scoge nan nomber libremente. E coalicion a de-

nuncia e corant pa presenta e acto di nombra mucha como un escogencia sospechoso of carga cu politica.

E corant tambe a haya critica pa tilda e maestro como "Salafista," un termino hopi biaha asocia cu interpretacionnan extremo di Islam. K9 a argumenta cu e label aki, cu despues a ser altera despues di kehonan di Muslim Rights Watch Hulanda, a reforsa stereotiponan negativo.

Mas ehempel cita pa K9 ta inclui e reportahe di De Telegraaf riba un moskee di Rotterdam cu e corant a conecta cu crimen relaciona cu droga, y tambe un columna

cu a mara e organisacion paraplu di moskee FIO y e organisacion Milli Görüs na Hamas. E K9 ta pretende cu e acusacionnan aki no tin base y ta sirbi solamente pa dividi e comunidad mas ainda.

"Difundiendo e acusacionnan sin base aki ta contribui na polarizacion y ta stigmatiza e comunidad Musulman," K9 a bisa den su declaracion. "Nos ta urgi De Telegraaf pa termina e campaña aki."

E coalicion di organisacionnan di moskee a adverti cu si e corant no atende e preocupacionnan aki, nan por sigui cu accion legal.



Alcalde di Rotterdam ta trata violencia den e districto Oud-Mathenesse di Rotterdam

(NLTimes) - Alcalde di Rotterdam, Carola Schouten, a responde na incidentenan violento recien den e districto di Oud-Mathenesse, urgien-do e comunidad pa uni contra e violencia creciente. Su comentarionan a bin despues cu a los tiro-nan y un explosion a tuma luga den e area di Franselaan diasabra mainta trempan, causando da-ñonan significante pero no tabatin herido.

Papiando den e programa di NPO Radio 1 WNL na de Kantine, Schouten a expresa su preocupacion pa e sentido creciente di inseguridad den e ciudad. Tambe el a enfatisa e importancia di cooperacion entre varios sector pa atende cu e aumento di violencia. El a mostra riba e necesidad pa colaboracion entre en-forsamento di ley, oficina di ministerio publico, corporacionnan di vivienda, scol- y negoshinan local pa atende e asunto.

"Nos mester di tur hende pa para contra di esaki," Schouten a agrega. "Un explosion no ta afecta solamente e residentenan tras di un porta—e ta impacta henter e caya y bario."

"Esaki ta un otro situacion cu ta impacta e sentido di seguridad profundamente," el a bisa. "Nos ta haciendo investigacion extenso riba e explosionnan aki. Frecuentemente nos tin e individuonan responsabel na bista, pero nan ta tipicamente hombernan hoben cu ta keda keto. Nan no ta esnan cu ta duna e orden."

E incidentenan, cu a tuma luga dentro di algun ora for di otro, a laga e bario sacudi. Polis a confirma cu no a reporta ningun herido door di e tiroteo of e explosion. Habitantenan di e edificio afecta a ser evacua y aloha temporalmente pa e municipio.

Schouten a pidi pa un envolvimento di comunidad

mas grandi, urgien-do habitantenan di Rotterdam pa reporta cualkier actividad sospechoso, sea directamente na polis of a traves di e liña di informacion anonimo Meld Misdaad Anoniem.

E remarkenan di Schouten ta bini despues di un serie di sucesonan violento den e area di Franselaan den añanan recien. Na 2021, un tienda Polaco riba caya tabata un ob-hetivo dos biaha den tiroteo. Mas recientemente, dos explosion a tuma luga na 2023. Autoridadnan no a establece ningun conexcion ainda entre e sucesonan ey y ultimo incidentenan.

Ademas di e incidentenan riba Franselaan, polis a investiga tambe informenan di tiro riba Schiedamseweg den e mesun districto diasabra anochi.

Autoridadnan ta trahando pa determina si tin algun vinculo entre e incidentenan.

E mercado laboral pa periodistanan ta empeorando, sindicato ta bisa



(NLTimes) - E mercado laboral pa periodistanan a deteriora aña pasa, segun e sindicato di periodistanan Hulandes NVJ. Despues di añanan di cifranan bahando, tabatin un aumento aña pasa den e cantidad di periodistanan cu a cuminsa busca un trabou nobo. Desempleo bou di periodistanan a subi na 7% como resultado, e sindicato a conclui a base di beneficienan di bienestar paga na esnan den e sector cu ta sin trabou.

Cantidad punto di dato a ser cita den un rapport publica diaranson. NVJ a conta significantemente menos vacatura compara cu 2023. Aunke freelancernan a cuminsa gana mas placa, nan tambe a saca un parti mas grandi di nan entrada for di trabou no-periodistico, NVJ a bisa. Hulanda tin un total di alrededor di 18,500 periodista, hopi di nan ta part-time. Segun e sindicato, mas cu mita ta emplea.

"Nos ta anticipa cu e desempleo bou di periodistanan lo sigui subi den e aña binidero. E bahada recien den vacaturanan y desaroyonan cu ta acercando riba e mercado no ta pinta un imagen ros pa e mercado laboral," e expertonan na e sindicato a señalá.

NVJ a mostra riba e reduccionnan anuncia di gobierno na e organisacion di transmision publico Hulandes NPO, como un ehempel. "E emisoranan publico nacional y regional hunto ta un di e dunadornan di trabou mas importante di periodistanan

den e pais. Aunke no ta cla ainda unda exactamente e NPO lo haci reduccion, e chens ta chikito cu oficianan di redaccion lo keda completamente inafecta."

Tambe e ta un momento insigur pa freelancernan, segun e sindicato. "Prome cu tur cos, pa motibo di e chens cu Hulanda lo tin un organisacion menos di media grandi si e proposicion di adkision di RTL Nederland pa DPG Media sigui bay dilanti."

Aunke RTL Nederland lo no desaparece a consecuencia di e tumamento, e organisacion di radiodifusion su canalnan y tur otro titulo di DPG Media lo conta como un cliente pa e Autoridadnan di Impuesto despues di e tumamento. Esaki ta haci'e dificil pa freelancernan reparti nan trabou suficiente. Y e ta empeora nan posicion di negociacion, e sindicato a bisa

Ademas, autoridadnan di belasting a cuminsa enforsa e reglanan contra trabou independiente falso entrante e aña aki. Esaki ta haci'e mas dificil pa freelancernan cu ta traha hopi den redaccion por sigui haci nan trabou.

Varios dunador di trabou den e sector ya a anticipa esaki aña pasa. Nan a anuncia cu nan kier a traha solamente cu empleadonan of personanan independiente cu ta cumpli cu e rekisitonan mas estricto. Di acuerdo cu NVJ, hopi freelancer actualmente no ta cumpli cu e rekisitonan aki.



(AP) — Mas cu 80 persona a ser asesina den nort oriente di Colombia durante weekend despues di e intentonan fracasa di gobierno pa tene dialogo di paz cu Ehercito di Liberacion Nacional, un oficial Colombiano a bisa.

Binti otro a resulta herida den e violencia cu a forsa miles pa muy mientras ehercito Colom-

biano a lucha pa evacua hende ayera, segun William Villamizar, gobernador di Norte de Santander, unda hopi di e asesinatonan a tuma lugar. Entre e victimanan ta lider comunitario Carmelo Guerrero y siete persona cu a busca di firma un acuerdo di paz, segun un rapport cu un agencia di ombudsman a publica di asabra laat.

Colombia: Al menos 80 morto den nort oriente mientras dialogo di paz ta fracasa, segun oficial

Oficialnan a bisa cu e atake nan a sucede na varios pueblo den region Catatumbo cerca di frontera cu Venezuela, cu al menos tres persona kende tabata parti di e dialogo di paz secuestra.

Miles di persona a huy di e area, algun di nan scondiendo den e montañanan cercano of buscando ayudo na shelternan di gobierno.

Ehercito Colombiano a rescata decenas di hende diadomingo, incluyendo un famia y nan cacho mascota, evacua riba helicopter.

Minister di Defensa, Ivan Velasquez a biaha na e pueblo

di Cucuta ayera mientras oficialmente a prepara pa manda 10 ton di cuminda y kit di higiena pa aproximadamente 5mil persona den e comunidanan di Ocaña y Tibú, mayoria di nan cu a huy di e violencia.

E atake ta yega despues cu Colombia a suspende dialogo di paz cu Ehercito di Liberacion Nacional (ELN) riba diabeirna, e di dos biaha cu a haci esaki den menos cu un año. Gobierno Colombiano a exige pa ELN stop tur atake y permiti autoridadnan drenta e region y provee ayudo humanitario.

ELN tin enfrentamento na Catatumbo cu ex-miembronan

di Forsanan Arma Revolucionario di Colombia, FARC, un grupo guerrillero cu a disolve despues di firma un acuerdo di paz na 2016 cu gobierno Colombiano. E gruponan ta bringando pa control di un region strategico na frontera cu tin plantacion di blachi di coca.

ELN a purba di negocia un acuerdo di paz cu administracion di presidente Gustavo Petro cinco biaha, cu negociacionnan fracasando despues di violencia. Exigencianan di ELN ta inclui pa keda reconoci como un organizacion politico rebelde, cual criticonan ta bisa ta riesgoso.

Merca ta rechasa reeleccion di Maduro, pero ta mantene un linea financiero pa su gobierno

(AP) — Cos tabata muestra bon pa Venezuela na 2022. Despues di años di gobernacion autoritario y sancionnan economico, presidente Nicolas Maduro a bay di acuerdo pa traha pa un eleccion presidencial democratico. Cas Blanco, a cambio, a otorga un linea financiero: un permiso pa Chevron pump y exporta azeta Venezolano.

Pozonan di azeta a bin back den accion y barconan tanker

enorme a bolbe costa Venezolano pa yena cu crudo destina pa Merca.

E eleccion priminti pa Maduro no tabata ni husto ni liber, y e presidente di hopi tempo a keda huramenta e luna aki pa un di tres termino di seis año a pesar di evidencia creible cu su oponente a ricibi mas voto. Toch, e alivio di sancion cu Merca a ofrece “pa sostene e restauracion di democracia” ta sigui yuda yena caha di gobierno.

Oposicion Venezolano ta bisa cu gobierno di Maduro a gana biyones di dolar di exportacion permiti pa e permiso. Cas Blanco a ignora yamado di e coalicion principal di oposicion, como tambe Republicano y Democrata den Congreso Mericano, pa cancela un permiso cu awor ta conta pa alrededor di un cuarta parti di produccion di azeta di e pais Sur Americano.

Oficialnan senior di e ad-



ministracion Mericano ta haya dificil pa splica pakico a mantene e permiso ora reporteronan cuestiona nan, bisando solamente cu e politica di sancion pa Venezuela ta den revision frecuente.

Presidente Joe Biden a bisa reporteronan siman pasa cu e “no tin suficiente data” pa ahusta e sancionnan relaciona cu petroleo prome cu e bandona su cargo awe.

Mexico ta expande ayudo pa migrante regional na Latino America

(AP) — Den weekend, Mexico a bay di acuerdo pa sostene otro nacion Latino y Caribense como parti

di un respuesta migratorio regional, dlanan prome cu presidente electo di Merca, Donald Trump asumi su

cargo cu un promesa pa ehecuta deportacionnan masal.

E ayudo a keda anuncia pa Secretario di Asunto Exterior Mexicano, Juan Ramon de la Fuente despues di un reunion di dos dia tras porta cera cu minister- y representantenan di 11 pais di e region.

E reunion — lidera pa De la Fuente y minister di Exterior Hondureño na capital Mexicano — tabata esun mas recien den un serie di cumbre regional cu meta pa construi un respuesta regional comprensivo pa e nivelnan sin precedente di migracion na continente Americano. Lidernan di gobierno di Colombia, Cuba, Guatemala, Haiti, Venezuela,

Brazil, Belize, Costa Rica, y El Salvador a participioa.

Papiando dilanti representantenan di gobierno, De la Fuente a reconoce cu “cambionan significante ta inminente” na Merca, e destinacion principal pa mayoria di migrante biahando door di America Latino. El a bisa cu presidente Mexicano, Claudia Sheinbaum a confirma cu su gobierno ta bay expande proyectonan di ayudo na un cantidad di pais trahando riba migracion y otro asunto, pero no a duna mas detaye.

Pa años, Mexico a implementa proyectonan asina na mas cu 20 pais, principalmente esnan cu ta sirbi como puntonan di origen pa migrante, manera Honduras, Colombia, Venezu-

ela y Haiti. Na 2024, gobierno Mexicano a aloca mas di \$108 milyon pa e iniciativa aki.

E anuncio diabierna ta sigui un periodo di cada bes mas incertidumbre na America Latino, impulsa pa preocupacion entre lidernan regional riba e posible impacto di deportacion masal y otro menasa haci pa Trump prome cu su inauguracion awe, dia 20 di januari.

Sheinbaum a habri e posibilidad di ricibi migrantenan no-Mexicano deporta pa Merca y a bisa cu e tin un plan pa lansa un app cu lo permiti migrante na Merca pa manda un alerta pa familiarnan y e consulado na momento cu nan enfrenta detencion inminente.



Jamaica: Presidente di UCC ta refuta declaracionnan di facultad tocante aumento di salario

(JamaicaObserver) - Presidente di University of Commonwealth Caribbean (UCC), Profesor Colin Gyles a refuta declaracionnan haci pa algun miembro di facultad tocante un aumento di salario priminti den liña cu e resultadonan di un estudio di compensacion conduci na 2023.

Di acuerdo cu e miembronan di facultad, e estudio a recomenda pa otorga un aumento di 40%, na cual supuestamente e administracion di e universidad a bay di acuerdo. Sinembargo, ora cu miembronan di personal a haya un aumento na december 2024 e tabata bou di e cantidad recomenda cu a ser reporta.

E miembronan di personal cu a papia cu Jamaica Observer ta sostiene cu e aumento di salario tabata insuficiente, y ta defende un aumento cu ta den liña cu e porcentahe recomenda segun e estudio di compensacion. Mas aleu nan a declara cu nan salario ta hopi mas abou cu esnan di nan coleganan den terenonan similar na otro universidadnan na Jamaica, y ta boga pa un miho aumento.



Profesor Gyles, como contesta riba e declaracionnan aki, a bisa cu despues di e estudio di compensacion na 2023, no tabatin un acuerdo haci pa duna miembronan di personal e aumento recomienda.

“E revision di benchmarking haci na 2023 no a ser acepta pa UCC pa motibo di fayonan fundamental den e diseño, y el a ser debolbi na e consultornan externo contrata. No a haci tal promesa pa loke ta trata e cantidad di aumento,” e mandatario a bisa den un contesta via email

na Sunday Observer.

Segun Profesor Gyles, a tene un reunion cu miembronan di personal na november aña pasa durante cual nan a ser actualisa riba informacionnan cu a ser suministra anteriormente tocante nan aumento di salario.

E reunion a sigui un publicacion anterior di Sunday Observer, na november aña pasa, cu a destaca preocupacionnan di miembronan di facultad tocante nan salario y condicionnan di trabou na e institucion educativo.

“E universidad a responde door di organisa un reunion cu tur miembro di facultad y personal na november 2024 pa actualisa informacion suministra anteriormente tocante e aumento di salario. E aumento di salario aki a keda implementa na december 2024, retroactivo pa september 2024. Cartanan individual ta ser suministra na cada facultad y miembro di personal tocante e ahuste di salario aki. Tambe, un conaseho general a ser difundi na facultad y personal tocante e

aumentonan cu a ser implementa na december,” el a bisa.

Den su contesta riba un pregunta tocante con e preocupacionnan di salario persistente lo ser atendi, a pesar di e aumento duna na december 2024, e profesor a bisa, “Den e curso di cumplimiento cu su responsabilidadnan, e Departamento di Maneho y Desaroyo di Recursonan Humano lo sigui revisa salarionan comparativo promedio na institucionnan di educacion di Jamaica similar, y pa propone ahustenan di salario den futuro pa consideracion, segun ta necesario.”

E profesor tambe a busca pa refuta declaracionnan haci pa miembronan di facultad cu tin un falta di comunicacion entre nan y e administracion.

Di acuerdo cu e miembronan di personal, ora Profesor Gyles a ser nombra hefe di e universidad, a pesar di un peticion pa un reunion via email, nan no a ricibi un contesta dentro di nan liña di tempo pidi. Mas aleu nan a afirma cu tabatin mal comunicacion entre e personal y e administracion, y asuntonan cu mester di atencion no tabata ser atendi.

Trinidad y Tobago: Hoben Hans ta lidera e careda pa e asiento di PM

(TrinidadExpress) - Cu e salida di Dr. Amery Browne for di e careda pa e distrito electoral di Diego Martin West, otro contendientenan a surgi cu e speransa di representa e asiento ocupa pa prome minister y lider politico di Movimiento Nacional di Pueblo (PNM) Dr. Keith Rowley. Pero ayera, Hans Des Vignes di 39 aña a sigui lidera e careda.

Awor e tin e sosten di 12 grupo di partido mientras cu Curtis Toussaint no tin ningun, y ex senador Yokymma Bethelmy a haya favor cerca dos grupo di partido te awor.

Dos otro candidato cu tambe a hinca nan sombre den ring pa representa e distrito electoral, abogado Annah Sullieman y docente Lesedi Felix, ta buscando sosten ainda.

Presidente di e distrito electoral di PNM Diego Martin West, Jackie Lazarus, a señala ayera cu tabatin 25 grupo di partido den e distrito

electoral di Diego Martin West, incluyendo e liga di hende muhe y e liga hubenil.

Des Vignes lo a bisa solamente cu e tabata bendiciona pa ser considera.

Den un entrevista telefonico cu Sunday Express ayera, el a bisa cu e tabata optimista pero humilde.

Sinembargo, e no a atende ningun pregunta tocante su preparacion pa e proceso di screening of su strategia of prioridadnan pa e distrito electoral.

“Mi ta sinti mi bendiciona di por ser considera, pero mi ta tene mi mes atras di bisa algo mas te despues cu e proceso di screening ta completa,” el a bisa.

Ultimo fecha pa nominacion ta dia 27 di januari.

Un defensor di PNM a bisa ayera cu e distrito electoral di Diego Martin West ta un baluarte tradicionalmente

asocia cu PNM, y e ta contene importancia significant den e paisahe politico nacional.

E activista a opina cu Des Vignes “ta conecta cu e hobennan, y e cabesnan mas bieu ta interesa den dje...y nos ta kere cu un cara fresco y un comienso nobo ta loke e distrito electoral kier na e momentonan aki”.

Browne a entrega un carta di consentimiento, expresando formalmente su interes pa ofrece su mes como candidato di PNM pa e asiento di Diego Martin West, cu el a retira for di e tempo ey.

E asiento di Diego Martin West actualmente ta ocupa pa prome minister Rowley. Rowley a indica cu e no ta ofrece su mes pa sirbi un otro periodo den Parlamento.

Ora cu Sunday Express a bishita e distrito electoral di Diego Martin pa haya opinion di hende riba retiro di Browne y candidatura di Des Vignes, varios a bisa cu nan no tabata



mucho conoci cu ningun di e candidatonan potencial.

Sinembargo, nan a aplaudi Rowley pa a hala un banda pa asina haci espacio pa “sanger mas hoben”.

Varios constituyente den Carenage y Diego Martin ta bisa cu nan ta prefera un persona mas hoben pa e distrito electoral.

Camila-Victoria Feliciano y Evah Ras a bira reina Infantil y Hubenil di Carnaval 71



Diasabra ultimo a tuma lugar e Eleccion di Reina Infantil y Hubenil pa Aruba su Carnaval 71. Seguidamente, SMAC a publica resultadonan oficial riba su pagina di Facebook. Camila-Victoria Feliciano di Distrito Noord a keda corona como Reina Infantil, mientras Evah Ras di Dushi Carnival Group a bira Reina Hubenil.

Resultado Reina Infantil Reina Infantil Pay.aw 2025:

Camila-Victoria Feliciano - Distrito di Noord
Popular Children Carnival Queen 2025:
Camila-Victoria Feliciano - Distrito di Noord
Best Speech Children Carnival Queen 2025:
Camila-Victoria Feliciano - Distrito di Noord
Best Show Children Carnival Queen 2025:
Camila-Victoria Feliciano - Distrito di Noord
Best Carnival Dress Children Carnival Queen 2025:
Camila-Victoria Feliciano - Distrito di Noord

Segundo finalista Children Carnival Queen 2025:
Noëmi Bergen - Empire Kids / Maria Goretti College
Prome finalista Children Carnival Queen 2025:

Dayna del Rosario Rodriguez - Little Groovers Carnival Group

Di 48 Reina Infantil di Aruba su Carnaval 2025:
Camila-Victoria Feliciano - Distrito di Noord

Resultado Reina Hubenil Reina Hubenil Pay.aw 2025:

Kiziah Ras - Champagne Carnival Group
Popular Youth Carnival Queen 2025:
Kiziah Ras - Champagne Carnival Group
Best Speech Youth Carnival Queen 2025:
Kiziah Ras - Champagne Carnival Group
Best Show Youth Carnival Queen 2025:
Evah Ras - Dushi Carnival Group
Best Carnival Dress Youth Carnival Queen 2025:
Kiziah Ras - Champagne Carnival Group

Prome finalista Youth Carnival Queen 2025:
Kiziah Ras - Champagne Carnival Group

Di 60 Reina Hubenil di Aruba su Carnaval 2025:
Evah Ras - Dushi Carnival Group

Pabien na e ganadornan y tur participante cu a sa di trece alegria, color y ambiente riba escenario!



Pastoral Hubenil Noord a entrega premio



Recientemente, Pastoral Hubenil Noord (PHN) a haci entrega di e premionan di nan Rifa di Fin di Aña y esaki a tuma luga den Centro Apostolico Sta. Anna.

E resultado di e rifa ta manera ta sigui.

Prome premio: nr. 0701, un gift card di Super Food Plaza. Sra Hilie Molina a gana esaki y a comparti su premio cu hoben Daniel, kende a bend'e e rifa. Tambe e tabata hopi contento cu su premio y a comparti cu Asistencia Social Noord.

Di dos premio: nr 0472, un gift card di Do it Center. Esaki a ser entrega door di Diana na representante di Elite Productions.

Di tres premio: nr 1236, un gift card di Cheng's Supermarket. Representante di Sra. Glenda Tromp a ricibi esaki for di hoben Uchenna.

Gradicimento ta bay na un y tur, cu di un forma of otro a coopera cu e rifa aki.



CELEBRATING FORTY YEARS



\$70,500
PROGRESSIVE

Alhambra
CASINO AND SHOPS

Saturday, January 25 | 1pm

8 Games to Play! \$8.50 for 4 Cards!

Progressive within 51 Calls	Progressive within 52 Calls	Progressive within 53 Calls
\$1,000	\$750	\$500

Special Door Prizes
Over \$2,000 in Total Payouts!

Double your prize with DOUBLE POWERBALL™

*Progressive within 50 calls, amount unless hit before 1/25/25. **Except on Progressive.

BINGO Games and Prizes

Game 1	Letter X	\$100
Game 2	Large Diamonds	\$100
Game 3	Lucky 7	\$150
Game 4	Letter H	\$200
30 Minute Break / Pick 5 Winners		
Game 5	+ or Cross	\$250
Game 6	Postage Stamps	\$300
Game 7	Letter T	\$400
Game 8	Full Card	\$1,000

Open daily 10am to 3am | J.E. Irausquin Blvd #47 | 588.9000 | casinoalhambra.com
Play Responsibly. Visit www.gamblersanonymous.org if you or someone you know has a gambling problem.

Miles ta disfruta di arte riba lago congela na Minneapolis a pesar di temperatura extremadamente abao

(AP)—Diasabra tabata friu hasta pa e residentenan di Minneapolis, pero esey no a stop miles di hende pa subi un lago congela pa disfruta di arte, crea amistadnan nobo—y haci nan best pa keda cayente.

E evento anual di Art Shanty Projects ta atrae hende riba e Lake Harriet pa e prome di cuatro weekend di eventonan di arte interactivo, humoroso y tin biaha straño. E arte a ser presenta den of cerca di 'shanties', cual ta casnan di palo mira banda di e lagonan na Minnesota pa hendenan cu ta pisca den winter.

Residentenan di Minnesota ta pasiona tocante awa y ta mira e miles di lago den e estado como un espacionan publico pa disfruta, hasta durante winter cu por mantene hende otro caminda bao klechi, segun Erin Lavelle, e director artistico di e organisacion. "Den verano

bo ta mira hende den boto y landando, den canoa y kayak. Y den winter bo ta mira hende riba e lagonan congela," Lavelle a bisa. "Pues nan ta core bais y schaats y pisca, y nos ta traha arte riba e lago congela."

Den e 21 aña cu a organisa e evento, Lavelle a bisa cu esaki a ser stroba pa winternan calor un par biaha pero nunca pasobra ta demasiado friu. Durante e weekend aki, no a anticipa pa e temperatura alcanza dobel digito.



E friu cu a congela e superficie di e lago pa un profundidad di aproximadamente 33 centimeter—suficiente diki pa sostene e conmocion ariba. E proyecto di e aña aki ta inclui algun exhibicion innovativo, manera un kiosco di breien den cual bishitantenan ta vlecht hilo riba panelnan pa completa e dak y muraya; un circo cu musica, poesia y payaso; un Cat World unda hende por ser transforma den pushi; bailamento den un "Disco Inferno Hot Box; y un



film studio unda hende por crea nan mesun pelicula corto.

Ademas tin cantamento y oportunidad pa participa den teatro, coremento di bais riba ijs y pintamento den aire liber. Aunke residentenan di Minnesota ta orguyoso di bay pafo entre e sneeuw y friedad, Lavelle a bisa cu e encuesta di e evento ta mostra cu esaki ta e prome biaha riba un lago congela pa

10%-25% di e aproximadamente 25,000 hende cu tipicamente ta asisti e evento di cuatro weekend.

"Pa haya hende sinti conecta cu amigo y stranheronan ta e cos mas grandioso cu nos por haci," Lavelle a bisa. "Nos djis kier ta un luga social pa e publico bishita y sinti manera nan ta parti di algo grandi."

Polis na India ta detene homber sospechoso di hinca strea di Bollywood Saif Ali Khan

(AP)—Polis a detene ayera un homber di 30 aña na e capital financiero di India, Mumbai, ken nan ta bisa a ser considera e sospechoso principal den e incidente di hincamento di Saif Ali Khan.

E asalto a sorprende e industria di pelicula den e pais y a trece preocupacionnan dilanti tocante e falta di seguridad na Mumbai, cas di hopi actornan di Bollywood. Khan a ser hinca cu cuchiu

diahuebs siman pasa den su cas y a sostene un herida profundo cerca di su columna vertebral.

Un empleado na cas di Khan tambe a ser herida durante e atake. E actor, ken a haya operacion, ta den recuperacion, manera su dokternan a bisa.

Agente policial mayor Dixit Gedam a bisa cu e sospechoso tabata un ciudadano Bangladeshi cu a drenta India ilegalmente y a cambia su

number for di Mohammad Shariful Islam Shehzad pa Bijoy Das, y cu evidencia a sugeri cu el a drenta e cas di Khan cu e intencion pa horta.

E sospechoso a ser deteni na e partinan afo di Mumbai unda e ta biba pa cinco of seis luna, Gedam a bisa. Khan, ken tambe ta un productor di pelicula, a aparece den aproximadamente 70 pelicula y serie. E ta yiu homber di ex-capitan di cricket Mansur



Ali Khan Pataudi y actriz di Bollywood Sharmila Tagore.

El a gana varios premio pa su rol den cinema Hindu, in-

cluyendo shete premio Filmfare. Na 2010, el a ricibi un Padma Shri, e di cuatro premio mas halto pa ciudadanonan Indio.

Cambiando perspectiva di con pa mira un federacion

COA a tene su ultimo sesion di Capacity Building Training

Diamars ultimo a tuma luga e ultimo les di e Capacity Building Training di Comité Olimpico Arubano, cu a ser organisa door di e Direccion di Desaroyo. Apesar cu e curso a conclui november ultimo, a keda falta un sesion pa presenta pa motibo di cancelacion paso un situacion imprevisito. No obstante e cambio y e conclusion final di e curso, mester bisa cu e varios federacion a mira e importancia di e contenido di e curso y a atende esaki.

E tema di e ultimo sesion tabata “Reimaginando Federacionnan”, cu a ser presenta pa e oradornan Drs. Marushka Tromp, Secretaria General di



UNESCO Aruba, y Stephanie Croes, fundador di Edu-Campus y “Emerging Communities Foundation”. E sesion aki tabata hopi dinamico, curashando e participantenan pa ta hopi activo. Cada federacion

por a identifica e puntonan importante di e topiconan cu a ser elabora durante e sesion, manera “Design Thinking” y “Touch Points”. Na final, durante e sesion di “feedback”, por a mira cu tur presente ta



compronde e importancia di mira pa futuro, como parti di maneho y desaroyo di deporte na Aruba.

COA ta gradici e oradornan pa e tremendo presentacion.

E participantenan na e sesion a informa COA di kier mas curso den futuro cercano pa asina por sigui desaroya e capacidad y maneho di e federacionnan y dirigientenan.

Entrenador di Man United ta pensa cu esaki por ta e equipo mas malo den historia di e club



(AP)—Ruben Amorim a entrega un evaluacion desapuntante di su equipo Manchester United despues di su ultimo perdida, admitiendo cu e esaki por ta “e pio” equipo den historia di e club.

Ayera United a cay pa un di dies derota den e Premier League e temporada aki, perdiendo 3-1 contra Brighton na Old Trafford. “Nos ta e pio, kisas, den historia di Manchester United,” e entrenador principal di e equipo a bisa. “Mi ta bisando esey pasobra nos mester reconoce esaki y cambi’e.”

E 20-biaha campeon Ingles ta di 13 riba ranking y mas cerca di e zona di relegacion cu cualificacion pa e Champions League. Amorim a perde siete di su 15 wega encarga despues cu el a sucede ex-gerente Erik Ten Hag na november.

Seis derota for di e prome 12

wega di liga na cas e temporada aki ta e pio recorrido di United desde 1893-94, segun e estadistico di Premier League. “Nos tin tur e historia malo como weganan perdi na cas, weganan perdi den e Premier League, pues nos echt no ta hungando bon. Y nos mester gana wega, esey so.”

Ten Hag a gana dos copa domestico durante su 2.5 aña cu United, pero na october el a paga pa e pio temporada di e club, cual a laga e equipo na di 14 luga den ranking y perdendo cuatro di su nueve weganan di apertura di liga.

Esey tabata riba e campaña mas malo di United den 34 aña e ultimo termino ora el a caba na di ocho luga. Anorim a ser contrata despues di lidera Sporting Lisbon pa dos titulo di liga Portugues y tabata anticipa cu e lo rebiba e fortuna di e club.

Pero su caida riba veld a continua y apesar di un victoria den tironan pinalti contra Arsenal durante e FA Cup, United a gana solamente un di e ultimo ocho weganan den tur competencia. “Imagina kico esey ta nifica pa un fanatico di Manchester United. Imagina kico esaki ta nifica pa mi,” Anorim a bisa.

Yankuba Minteh, Kaoru Mitoma y Georginio Rutter a hinca pa Brighton pa cera su tercer victoria contra United durante tres temporada na Old Trafford. Anorim a implementa un sistema di wingback despues cu el a tuma e encargo di United, cual ta parece dificil pa e hungadornan adapta na dje. Pero e Portugues a bisa cu e lo persisti cu e tactico aki. “Mi no ta bay cambia ni maske kico pasa, y mi sa cu nos por logra. Pero nos mester sobrevivi e momento aki pasobra mi no ta ingenuo y mi sa kico nos mester pa por sobrevivi awor,” el a bisa.

Cornerback di Lions Amik Robertson ta kibra su brasa den perdida contra Commanders den ronda divisional



(AP)—Cornerback di e Detroit Lions, Amik Robertson, a kibra su brasa den e perdida 45-31 contra e Washington Commanders.

E tabata lesiona durante e segundo ronda, lansando riba ricibidor Terry McLaurin, y a sali for di veld cu lagrima den wowo durante e playoff divisional diasabra anochi. Quarterback di Lions, Jared Goff, a ser evalua pa un hersenschudding y a perde un posesion despues di haya golpi mientras e tabata defende un pick-6. Backup Teddy Bridgewater a yena su luga y a lidera un touchdown.

Guardia di Commanders, Sam Cosmi, a sufri di un lesion na rudia ora Brian Robinson a core pa un touchdown trempan den e segundo kwartaal. E pia drechi di Cosmi a dobla straño y el a cana cu dolor sali for di veld. Despues a descart’e pa hunga.

E lesion di Robertson a crea un otro reto pa un defense cu deficit mientras e ta purba di contene quarterback nobato Jayden Daniels. Robertson a hunga bon den e weganan anterior di Detroit, strobando ricibidor All-Pro di Minnesota Vikings, Justin Jefferson.

Di TikTok pa RedNote... y back pa TikTok

(AP) – Refugiadonan di TikTok a huy den nan miyonnan na RedNote, un app Chines, den respuesta na e prohibicion di TikTok cu a drenta na vigor ayera, 19 di januari 2025. E compania a shut down e app tiki prome cu mey anochi riba 18 di januari.

A traves di memes di pushi, joke comparti tocante e prohibicion y combersacionnan honesto tocante temanan usualmente evita, ex-TikTokker-nan y narativanan di RedNote ta cerando añanan di separacion digital entre Merca y China. E convergencia spontaneo aki ta recorda e soño original di internet di un pueblo global. E ta un tiki speranza pa conexion y comunicacion den un mundo dividi.

Jianqing Chen ta un investigador cu ta studia medionan digital Chines y transnacional. E tambe ta un ciudadano Chines bibando na Merca. E ta un usuario di RedNote desde 2014.



“Diamars mainta, 14 di januari 2025, mi scroll usual di mainta riba RedNote a revela un pagina For You transforma. Mix cu mi contenido tipico di drama di television, celebridad y contenido di makeup, tabatin postnan nobo di auto-proclama “refugiadonan di TikTok” cu IP adres Mericano. Mientras mi a sigui scroll, e algoritmo di recomendacion a yena mi feed cu mas y mas di e postnan aki di usuarionan nobo di Merca buscando pa reconstrui nan comunidad riba RedNote,” el a conta.

Fluho rapido

E fenomeno a explota rapidamente: dentro di 24 ora, e hashtag #TikTok Refugee riba RedNote a ricibi 36.2 miyon views y a genera miyones di discusion. RedNote a yega e top di lista di app gratis di Apple App Store.

Segun e refugiadonan di TikTok aki, cu e prohibicion di ayera, usuarionan tabatin miedo di perde no solamente acceso na e plataforma, pero nan contenido y fluho di entrada tambe.

Na lugar di switch na alternativanan basa na Merca manera Instagram di Meta of X, nan a scoge pa huy na otro plataforma Chines como nan protesta contra gigantenan tecnologico Mericano, ken nan ta culpa pa lobby pa e prohibicion. Nan escogencia di plataforma tabata



RedNote.

E cambio inespera aki ta bin en gran parti for di influencernan di TikTok manera @whattheish recomendando RedNote como e TikTok nobo. Mirando cu e app Douyin ta e version Chines di TikTok, e exodo pa RedNote por parce sorprendente. Sinembargo, manera mayoria otro app Chines, incluyendo Douyin, ta solamente disponible riba app store Chines y ta rekeri number di telefon Chines pa registra. RedNote ta unicamente accesible pa usuarionan pafo di China a traves di app store na varios region, sin rekeri un number di telefon Chines.

Na lugar di segrega usuarionan pa region geografico cu diferente version manera e compania mama di TikTok, ByteDance Ltd. a haci, RedNote – yama Xiaohongshu na Chines – ta duna acceso na e mesun plataforma globalmente. ByteDance ta basa na China pero a lansa China como un subsidiario Mericano na 2015. TikTok a partner cu Oracle na 2022 pa mancha data di usuarionan Mericano pa atende preocupacion pa seguridad di data. En contraste, RedNote su doño, Xingyin Information Technology Ltd. ta un compania basa na Shanghai y ta keda lider di supervision directo di Merca.

TikTok restaura

Mientras tanto, TikTok a bisa cu ta restaurando servicio na usuarionan Mericano, apenas algun ora despues cu e plata-

forma a cay pa motibo di un prohibicion federal, cual presidente electo Donald Trump a bisa lo purba pausa cu un orden ehecutivo riba su prome dia como presidente.

Trump a bisa cu e tabatin plan pa emiti e orden pa duna ByteDance mas tempo pa haya un comprador aproba prome cu e prohibicion bin na vigor. El a anuncia e movida riba su cuenta di Truth Social mientras miyones di usuario Mericano di TikTok a lanta pa descubri cu nan a perde acceso na e app of plataforma.

ByteDance a bisa den un post riba X cu e post di Trump a duna “e claridad y siguransa necesario pa nos proveedornan di servicio cu nan no ta bay enfrenta castigo proveyendo TikTok na mas di 170 miyon Mericano.”

Algun usuario a reporta tiki despues di e declaracion di TikTok cu e app tabata trahando atrobe, y e website tabata parce di ta funcionando, al menos pa algun persona.

E ley cu a drenta na vigor ayera a rekeri ByteDance pa kibra laso cu e operacion Mericano di e plataforma pa motibo di preocupacion pa seguridad nacional pa motibo di e raiz Chines di e app. Sinembargo, el a permiti e presidente autoridad pa otorga un extension di 90 dia si un benta viable tabata na caminda.

Maske inversionistanan a haci algun oferta, ByteDance anteriormente a bisa cu no lo bende. Trump a bisa cu su orden lo “extende e periodo di tempo prome cu e prohibicionnan den e ley bin na vigor” y “confirma cu no ta bay tin responsabilidad pa ningun compania cu a yuda stop TikTok di bay dark prome cu mi orden.”

No tabata cla inmediatamente con e accion priminti pa Trump lo resulta di punto di bista legal, ya cu Corte Supremo Mericano unanimamente a sostene

e prohibicion diabierna y e ley a bin na vigor e dia prome cu regreso di Trump den Cas Blanco. Corte Supremo a duna veredicto cu e riesgo pa seguridad nacional presenta pa e lasonan di TikTok cu China ta surpasa preocupacion pa limitacion riba derecho di expresion di e app of su miyones di usuario na Merca.

Den e nueve luna desde cu Congreso Mericano a pasa e ley di benta of prohibicion, ningun comprador a bin dilanti, y ByteDance a insisti cu no lo bende TikTok. Pero Trump a bisa cu e ta spera cu su administracion lo por facilita un acuerdo pa “salba” e app.

Ceo di TikTok, Shou Chew ta spera di atende e inauguracion di Trump. Chew a post un video diasabra laat gradiciendo Trump pa su compromiso pa traha cu e compania pa tene e app disponible na Merca, y tumando un “posicion fuerte pa e Prome Amienda y contra censura arbitrario.”

Escogencia di Trump pa consehero di seguridad nacional, Michael Waltz a bisa CBS News ayera cu e presidente electo a discuti e inaccesibilidad di TikTok na Merca durante un yamada den weekend cu

presidente Chines, Xi Jinping, “y nan a bay di acuerdo pa traha riba esaki hunto.”

Diasabra, startup di inteligencia artificial Perplexity AI a entrega un propuesta na ByteDance pa crea un entidad nobo cu ta fusiona Perplexity cu negoshi Mericano di TikTok, segun un persona familiar cu e asunto. Perplexity no ta pidiendo pa cumpra e algoritmo di ByteDance cu ta alimenta usuarionan di TikTok cu video basa riba nan interes y a haci e plataforma asina un fenomeno.

Otro inversionistanan tambe tin wowo riba TikTok. Strea di Shark Tank, Kevin O’Leary recientemente a bisa cu un consorcio di inversionista incluyendo su persona y biyenario Frank McCourt a ofrece ByteDance \$20 biyon cash. Ex-secretario di Tesoro di Trump, Steven Mnuchin tambe a bisa aña pasa cu e tabata hincando den otro un grupo di inversionista pa cumpra TikTok.

Na Washington, legisladornan y oficialnan di e administracion pa largo a expresa preocupacion tocante TikTok, advirtiendone cu e algoritmo cu ta alimenta loke usuarionan ta mira ta vulnerable na manipulacion di autoridadnan Chines.



**TRABOU DI MANTENCION RIBA LIÑA
DI DISTRIBUCION WEG SERO BLANCO**
Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diamars, 21 di januari 2025
8:30 AM te cu 3:30 PM

Den vecindario di:

- Apachestraat (un parti)
- Brasil (un parti)
- Butucu
- Palisaweg (un parti)
- Rooi Master (un parti)
- Sero Preto St. Nic. (un parti)
- Weg Sero Blanco (un parti)
- Weverstraat (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Danki pa e comprension.



Accidente hit & run na rotonde banda di Acero na Tanki Leendert



Diabierna madruga a drenta informe di un accidente na e rotonde banda di Acero na Tanki Leendert, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente hit & run unda un auto cora posiblemente un Nissan Note biniendo for di nort no a logra para na tempo y a bay dal e Honda fit den banda. Afortunadamente ningun hende a resulta herida.

Accidente na e crusada Pitastraat y Caya Frere Arnold

Diabierna mainta a drenta informe di un accidente na e crusada Pitastraat Caya Frere Arnold, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu un chauffeur pa pura a bira mucho tempran na man robes y a bay dal riba un auto wardando na Caya Frere Arnold. Afortunadamente ningun hende a resulta herida.



Candela intencional nan a kima palapa na mangel halto!

Diahuebs anochi siman pasa a drenta informe di cu tin palapa na candela na Mangel Halto, mesora a dirigi bomberonan na e sitio.

Na yegada di e bomberonan a bin topa cu palapa na candela y e candela tabata cerca di e mangelnan. Bomberonan mesora a combati y a paga e candela rapidamente.



Chauffeur a bay dal tras di e auto su dilanti na Savaneta

Diabierna mainta a drenta informe di un accidente cu hende herida pariba di Club Arias na Savaneta, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente

unda e chauffeur di un Honda Fit no a regula su velocidad ni a mantene distancia a bay dal tras di e Chevrolet Spark. Debi na e impacto e chauffeur di e Spark a resulta herida. Na yegada di e ambulans nan a atende e dama herida.



Famia den pleito lo a resulta den mama malo



Diahuebs atardi siman pasa a drenta informe di cu tin un pleito familiar na Vondellaan y tin un hende cu a bira malo, mesora a dirigi tanto polis como ambulans tambe na e sitio.

Na yegada di e patruya a bin compronde cu e pleitamento a bay asina for di man cu hasta e mama lo a bira malo. Polis a hala atencion di e famia cu tabata pleito y ambulans a bin atende e mama cu a bira malo.

A horta un Hyundai Accent blauw



Diabierna anochi siman pasa a drenta un informe di cu tin un Hyundai Accent blauw aki A65642 horta.

Si acaso boso mira of por sa algo di e auto aki avisa polis mesora.

Accidente pa falta di preferencia na Sero Blanco



Diabierna merdia a drenta informe di un accidente na Sero Blanco, mesora a dirigi un patruya na e sitio.

Na yegada di e patruya a bin compronde cu aki ta trata di un acci-

dente unda cu e Daihatsu Mira no a duna preferencia na e Chevrolet Trax cu tabata bini na su man drechi cu preferencia. Afortunadamente ningun hende a resulta herida.

S.U.V. ta reverse bay dal riba auto na Boegoeroei



Diabierna mainta a drenta informe di un accidente na Boegoeroei, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu un Toyota Prado a reverse y a bay dal un otro auto. Afortunadamente ningun hende a resulta herida.

Ambulans a bay pa un turista cu no ta reacciona na un hotel na Eagle Beach



Diasabra madruga a drenta informe di cu un turista kedando na un hotel na Eagle Beach no ta reacciona, mesora a dirigi un patruya na e sitio.

Na caminda pa e sitio e personal di e

hotel a purba intencionan pero no a logra. Na yegada di e ambulans nan tambe a purba pero sin resultado positivo. Nan a pidi presencia di e dokter pa constata e morto. Na famianan di e fayecido ta bay nos mas sincero palabranan di condolencia.

Guarda Nos Costa a tene un razzia den Schotlandstraat

Diabierna mainta Guarda Nos Costa a tene un razzia den Schotlandstraat. Aki a logra detene varios persona indocumenta.

Un par lo a core bay pero GNC a sigui nan tras y a logra detene nan.



Pa falta di preferencia a causa accidente na e rotonde Balashi banda di Drive Inn



Diasabra mainta a drenta informe di un accidente na e rotonde Balashi banda di Drive-Inn, mesora a dirigi un patruya na e sitio.

Na yegada di e patruya a bin compronde cu e BYD F0 no a para pa duna preferencia na e Toyota Tercel cu tabata riba e rotonde y a bay dal riba dje. Afortunadamente ningun hende a resulta herida.

Chauffeur a bay dal tras di S.U.V. di huur cu turista



Diasabra mainta a drenta informe di un accidente na Dadelstraat, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda un chauffeur no a regula su velocidad ni a mantene distancia a bay dal tras di un S.U.V. di huur cu turistanan. Afortunadamente ningun hende a resulta herida.

Homber trahando den construcccion a dal abao f'ey trapi y resulta herida

Diasabra mainta a drenta informe si xu un persona trahando den construcccion a cay for di trapi den Zoutmanstraat, mesora a dirigi tanto polis como ambulans na e sitio.

Na yegada di e patruya a bin compro-

nde cu e persona haciendo trabao di construcccion na un dado momento piedranan a bin abao y a benta e persona abao. Na yegada di e ambulans e persona no por a move. Cu cuidao e ambulans a lanta e homber y a pone den ambulans. El a ser atendi y transporta pa hospital.



Na Macuarima polis a detene homber herida cu man corta



Diasabra madrug a sosode na Macuarima unda probablemente lo tabata tin un pelea andando y un persona a resulta herida cu un corta na su man.

Debi na e orario no por a haya mucho informacion mas cu a detene un persona cu a ser deteni y cu su man corta. Ambulans a presenta y a hiba e sospechoso pa hospital bao custodia di polis.

Personal di ambulans a CPR dama turista mas cu 2 biaha despues cu e no por a hala rosea bon y tabata cambia di color



Diadomingo mainta a drenta informe di cu tin un dama turista na Westpunt cu tin problema pa hala rosea y su color di curpa ta cambiando, mesora a dirigi un ambulans na e sitio.

Na yegada di e ambulans nan a atende e dama na mas cu 2 ocasion e personal di ambulans mester a dun'e CPR.

Bayendo hospital e ambulans a pidi un otro ambulans pa asina por bolbe dun'e CPR. Na altura di Turibana Plaza a bolbe para pa duna CPR. Un segundo ambulans tabata biniendo pa yuda nan. Manera nan a haya pulso a bay direccion hospital lagando e ambulans na Turibana. E personal balente di ambulans ta haci nan maximo esfuerso pa scapa bida di e turista.

IPA ta invita bo pa su open dag diasabra 1 di februari 2025

“The Influencer Teacher”, esaki ta e tema di Instituto Pedagogico Arubano (IPA) su open dag 2025 cu lo tuma luga diasabra 1 di februari di 10:30 am - 1:30 pm na IPA (Isaac Wagemakerstraat 11, San Nicolas). Riba e dia aki IPA ta habri su portanan pa tur persona cu kier descubri mas di e rol crucial y e influencia grandi di maestro den enseñansa. Nos kier pa abo, cu tin e pasion pa bira maestro, bin combersa cu nos y si bo ta explora opcion di estudio, join nos y laga nos inspira bo.

Durante e open dag nos lo duna informacion di diferente estudio:

- e estudio pa Maestro di Enseñansa Primario,
- e curso di Certificacion Pedagogico Didactico (PDG),

y e dos trayectonan cortico pa maestronan cu actualmente ta trahando caba den scol preparatorio of scol basico pa nan por amplia nan cualificacion cu sea:



- e trayecto cortico pa Maestro di Enseñansa Primario cu ta hiba na un autorisacion pa duna les na tur alumno di scol preparatorio y scol basico of
- e trayecto cortico pa maestro specialisa di Hulandes y Ingles pa Enseñansa Primario

Tuma nota cu cada estudio tin su grupo meta y orario specifico pa por haya informacion:

Estudio pa Maestro di Enseñansa Primario

E estudio pa Maestro di Enseñansa Primario ta forma mae-

stro cu ta cualifica pa duna les na alumno di scol preparatorio y scol basico. Durante e open dag lo tin 2 sesion cu e bishitante lo por atende pa ricibi informacion di e estudio. E orario di sesion 1 ta 10:45 am y di sesion 2 ta 11:30 am.

Pa e estudio aki nos lo brinda ‘the whole experience’. E bishitantenan lo participa activamente na actividad cu nos docentenan di diferente area di formacion (Matematica, Arte, Idioma y Comunicacion y Pedagogia) a prepara pa nan. Lo clausura e experiencia aki cu un presentacion di infor-

macion general.

Pa inscribi pa e estudio aki mester tin diploma di havo, vwo of mbo nivel 4 (of ta den examenklas di un di esakinan).

PDG

PDG ta un curso pa profesionalnan cu ya caba ta dispone di un diploma riba nivel di bachelor of di master y cu kier continua nan carera den ramo di enseñansa. Pa medio di e curso di PDG e profesionalnan por desaroya competencia pedagogico y didactico. E orarionan cu bo lo por ricibi informacion general di e estudio aki ta sea 10:45 am of 11:30 am.

Trayecto cortico pa Maestro di Enseñansa Primario

E trayecto cortico pa Maestro di Enseñansa Primario ta un estudio specialmente desaroya pa maestronan cu ta trahando caba den scol preparatorio of scol basico y cu actualmente ta autorisa pa duna les na alumno di edad 4 - 8 aña of 6 - 12 aña. Cu e estudio aki nan por amplia nan autorisacion pa asina nan ta completamente cualifica pa duna les na alumno di 4 te cu 12 aña. E orario di sesion

1 ta 10:45 am y di sesion 2 ta 12:00 pm.

Trayecto cortico pa Maestro Specialisa di Hulandes y Ingles pa Enseñansa Primario E trayecto cortico pa Maestro Specialisa di Hulandes y Ingles pa Enseñansa Primario ta un estudio specialmente desaroya pa maestro cu ta trahando caba den scol basico y cu actualmente ta autorisa pa duna les na alumno di 6 - 12 aña. Cu e estudio aki nan por amplia nan autorisacion pa asina nan ta cualifica pa duna les di Hulandes y Ingles na alumno di klas 1 te cu klas 6 di scol basico. E orario di sesion 1 ta 10:45 am y di sesion 2 ta 12:00 pm.











































































































Benta di pasaboca

Nos studiantenan di aña 3 di e estudio pa Maestro di Enseñansa Primario lo t’e’y presente cu benta di pasaboca. Meta di esaki ta pa recauda fondo pa nan pasantia internacional cu ta forma parti di e curiculo di nan estudio.

Informacion

Pa keda altanto di tur e ultimo desaroyonan encuanto open dag y IPA en general, bishita nos pagina di Facebook Instituto Pedagogico Arubano of nos website www.ipaaruba.com. Riba nos website tin un pagina cu yama open dag cu ta contene tur informacion relaciona cu IPA su open dag. Alabes tin storia cortico di nos studiantenan. Lesa e storianan y keda inspira pa scoge pa e profesion di maestro!

IPA ta invita henter comunidad di Aruba, specialmente tur persona cu ta interesa pa haci un estudio na IPA pa asisti na nos open dag. Probecha di e oportunidad pa haya tur informacion personalmente y haci pregunta. Bin combersa cu nos!

Resultado Sorteo januari 18 y 19, 2025																																											
Cadena Alexander Lottery ta presenta resultado di weganan di suerte																																											
<table><tr><th>DIARIO</th><th>KORSOU</th><th>SUPER4</th><th>FLAMINGO</th></tr><tr><td>6709</td><td>6584</td><td>9578</td><td>3425</td></tr><tr><td>7614</td><td>0526</td><td>SUPER5</td><td>6259</td></tr><tr><td>5874</td><td>6773</td><td>-</td><td>6212</td></tr></table>				DIARIO	KORSOU	SUPER4	FLAMINGO	6709	6584	9578	3425	7614	0526	SUPER5	6259	5874	6773	-	6212	<table><tr><th colspan="4">DIADOMINGO</th></tr><tr><th>DIARIO</th><th>KORSOU</th><th>SUPER4</th><th>FLAMINGO</th></tr><tr><td>0668</td><td>8675</td><td>5206</td><td>7276</td></tr><tr><td>0004</td><td>1242</td><td>SUPER5</td><td>0657</td></tr><tr><td>0427</td><td>3720</td><td>-</td><td>7505</td></tr></table>				DIADOMINGO				DIARIO	KORSOU	SUPER4	FLAMINGO	0668	8675	5206	7276	0004	1242	SUPER5	0657	0427	3720	-	7505
DIARIO	KORSOU	SUPER4	FLAMINGO																																								
6709	6584	9578	3425																																								
7614	0526	SUPER5	6259																																								
5874	6773	-	6212																																								
DIADOMINGO																																											
DIARIO	KORSOU	SUPER4	FLAMINGO																																								
0668	8675	5206	7276																																								
0004	1242	SUPER5	0657																																								
0427	3720	-	7505																																								
<table><tr><th>MERDIA</th></tr><tr><td><div> Sorteo # 4511 6097 1756 2359  x2  Sorteo # 4511 5952  fp  Sorteo # 2567 2544  Sorteo # 4511 0385 Aries  Sorteo # 1385 870  x2</div></td></tr></table>		MERDIA	<div> Sorteo # 4511 6097 1756 2359  x2  Sorteo # 4511 5952  fp  Sorteo # 2567 2544  Sorteo # 4511 0385 Aries  Sorteo # 1385 870  x2</div>	<table><tr><th>ANOCHI</th></tr><tr><td><div> Sorteo # 8452 2008 5106 8281  X2  Sorteo # 7496 6348  X2  Sorteo # 2201 0849  Sorteo # 6255 7542 Virgo  Sorteo # 1185 381  X3</div></td></tr></table>		ANOCHI	<div> Sorteo # 8452 2008 5106 8281  X2  Sorteo # 7496 6348  X2  Sorteo # 2201 0849  Sorteo # 6255 7542 Virgo  Sorteo # 1185 381  X3</div>	<table><tr><td><div> Sorteo # 2561 0 x Jackpot 0 x Match 4+ 3 x Match 4 201 x Afl. 12,00</div></td><td>06-07-09-21-24 Joker 15 Letter H Proximo Jackpot 230.000,-</td></tr><tr><td><div> Sorteo # 6717 0 x Jackpot 12 x Match 4 204 x Afl. 8,00</div></td><td>07-11-19-22-28 Proximo Jackpot 98.000,-</td></tr><tr><td><div> Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00</div></td><td>Mega Ball Proximo Jackpot 650.000,- Afl. 1.000.000,-</td></tr><tr><td><div> Sorteo #</div></td><td></td></tr></table>		<div> Sorteo # 2561 0 x Jackpot 0 x Match 4+ 3 x Match 4 201 x Afl. 12,00</div>	06-07-09-21-24 Joker 15 Letter H Proximo Jackpot 230.000,-	<div> Sorteo # 6717 0 x Jackpot 12 x Match 4 204 x Afl. 8,00</div>	07-11-19-22-28 Proximo Jackpot 98.000,-	<div> Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00</div>	Mega Ball Proximo Jackpot 650.000,- Afl. 1.000.000,-	<div> Sorteo #</div>		<table><tr><th>DIADOMINGO MERDIA</th></tr><tr><td><div> Sorteo # 4512 1513 7392 6163  X2  Sorteo # 4512 2190  FP  Sorteo # 2568 4183  Sorteo # 4512 7114 Capricornio  Sorteo # 1386 597  X2</div></td></tr></table>		DIADOMINGO MERDIA	<div> Sorteo # 4512 1513 7392 6163  X2  Sorteo # 4512 2190  FP  Sorteo # 2568 4183  Sorteo # 4512 7114 Capricornio  Sorteo # 1386 597  X2</div>	<table><tr><td><div> Sorteo # 0 x Jackpot 0 x Match 4+ 0 x Match 4 0 x Afl. 12,00</div></td><td>Joker Letter Proximo Jackpot 230.000,-</td></tr><tr><td><div> Sorteo # 6718 0 x Jackpot 17 x Match 4 124 x Afl. 8,00</div></td><td>03-06-08-24-30 Proximo Jackpot 105.000,-</td></tr><tr><td><div> Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00</div></td><td>Mega Ball Proximo Jackpot 650.000,- Afl. 1.000.000,-</td></tr><tr><td><div> Sorteo #</div></td><td><div> Sorteo # </div></td></tr></table>		<div> Sorteo # 0 x Jackpot 0 x Match 4+ 0 x Match 4 0 x Afl. 12,00</div>	Joker Letter Proximo Jackpot 230.000,-	<div> Sorteo # 6718 0 x Jackpot 17 x Match 4 124 x Afl. 8,00</div>	03-06-08-24-30 Proximo Jackpot 105.000,-	<div> Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00</div>	Mega Ball Proximo Jackpot 650.000,- Afl. 1.000.000,-	<div> Sorteo #</div>	<div> Sorteo # </div>												
MERDIA																																											
<div> Sorteo # 4511 6097 1756 2359  x2  Sorteo # 4511 5952  fp  Sorteo # 2567 2544  Sorteo # 4511 0385 Aries  Sorteo # 1385 870  x2</div>																																											
ANOCHI																																											
<div> Sorteo # 8452 2008 5106 8281  X2  Sorteo # 7496 6348  X2  Sorteo # 2201 0849  Sorteo # 6255 7542 Virgo  Sorteo # 1185 381  X3</div>																																											
<div> Sorteo # 2561 0 x Jackpot 0 x Match 4+ 3 x Match 4 201 x Afl. 12,00</div>	06-07-09-21-24 Joker 15 Letter H Proximo Jackpot 230.000,-																																										
<div> Sorteo # 6717 0 x Jackpot 12 x Match 4 204 x Afl. 8,00</div>	07-11-19-22-28 Proximo Jackpot 98.000,-																																										
<div> Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00</div>	Mega Ball Proximo Jackpot 650.000,- Afl. 1.000.000,-																																										
<div> Sorteo #</div>																																											
DIADOMINGO MERDIA																																											
<div> Sorteo # 4512 1513 7392 6163  X2  Sorteo # 4512 2190  FP  Sorteo # 2568 4183  Sorteo # 4512 7114 Capricornio  Sorteo # 1386 597  X2</div>																																											
<div> Sorteo # 0 x Jackpot 0 x Match 4+ 0 x Match 4 0 x Afl. 12,00</div>	Joker Letter Proximo Jackpot 230.000,-																																										
<div> Sorteo # 6718 0 x Jackpot 17 x Match 4 124 x Afl. 8,00</div>	03-06-08-24-30 Proximo Jackpot 105.000,-																																										
<div> Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00</div>	Mega Ball Proximo Jackpot 650.000,- Afl. 1.000.000,-																																										
<div> Sorteo #</div>	<div> Sorteo # </div>																																										





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Contra Violencia Relacional

Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Trupiaal: Aloe:
Tel. 583 8560 Tel. 584 4606
EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
San Nicolas **584-5712**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

**Aruba Transfer Tour &
Taxi C.A.**

Tel: 582 2116/582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Presentacion di obra literario 'Di Carigueña pa Santa Clara' di autor Jossy Tromp na Biblioteca Nacional Aruba



Diahuebs, 23 di januari di 6.30 pa 9.00 p.m. lo presenta e obra literario 'Di Carigueña pa Santa Clara' na Biblioteca Nacional Aruba, George Madurostraat, Oranjestad.

Autor Jossy Tromp a nace na Aruba, aña 1954. Su isla natal, unda e cu su famia ta biba, a sirbi como inspiracion pa skirbi diferente obra di cuenta ficticio cortico, poesia y un obra di teatro. Tambe a sali for di su pen dos documentario historico deportivo Arubano. Tur ta obra skirbi na Papiamento, su idioma materno. E obra di ficcion 'Di Carigueña pa Santa Clara' ta e prome novela di Jossy Tromp, tambe na Papiamento.

E temanan cu ta bin dilanti den e obra di ficcion aki, basicamente ta trata e lucha continuo entre bon y malo, por cierto un tema clasico, cu e biaha aki ta toca turno pa tuma luga na Carigueña y Santa Clara, ambos localidad ta ficticio.

En conexcion cu presentacion di e obra 'Di Carigueña pa Santa Clara' Sr. Mirto Lacle lo duna un introduccion. Sr. Wim Rutgers lo ta presente pa duna un charla. Tambe Sr. Joe Fortin lo comparti hunto cu autor Sr. Jossy Tromp nan experiencia cu produccion y lesamento di e obra. Sr. Ralph Croes lo lesa algun fragmento di e obra. Pianista Joey Wing, di apenas 16 aña, lo entretene publico cu algun piesa musical.

'Di Carigueña pa Santa Clara' ta un storia ficticio cu ta explora virtud y bicio di e bida cotidiano na Carigueña y Santa Clara. E protagonistanan principal ta dos ruman homber cu como adolescente a mira un pelicula tocante un pueblo cu ta biba bou di un regimen totalitario. Despues cu capital grandi a descubri Carigueña, el a conoce un desaroyo economico impresionante y consecuentemente a chupa den su campo di gravitacion miles y miles di inmigrante for di tur parti di mundo. Cu nan sodo, Carigueña a bira un micronacion prospero, cu for di trempa caba tabatin un gobernacion cu su reinan bon hancra den e balor y principianan democratico. Pero manera sa pasa den tur sistema di gobernacion di un pais, sea cual sea e ideologia di gobernantenan, semper ta mira nan mes como esnan cu tin e berdad na nan banda. A base di e creencia opaco aki, nan ta bisa cu nan lo haci nan maximo esfuerso pa goberna e pais debidamente y sirbi e pueblo mas miho cu ta posibel. Sinembargo, e realidad ta otro mayoria biaha.

Pareu cu e bida di tur dia ta sigui su curso di custumber, e dos rumannan ta biba un bida intenso y profundo. Y, e desenlace di e teatro surrealista cu yama 'Di Carigueña pa Santa Clara' ta tuma luga te yega na su climax.

E buki lo ta na benta. Percura pa bo tin e buki aki den bo coleccion.



Pronostico di Tempo

Tempo:

Awe tardi y awe nochi: levemente te parcialmente nubla cu un awasero pasahero

Den marduga y mañan: parcialmente te temporalmente hopi nubla cu un awasero breve

Temperatura maximo 31 grado celsius

Temperatura minimo 25 grado celsius

Indice di calor (heat index) den y rond di oranan di merdia: 32 pa 36 grado celsius

UV index: 8

Bahada di solo : 6:36 pm

Subida di solo : 7:06 am

Biento:

Modera for di direccion oost te oost- noordoost; Forsa 3 te 4 (12 te 30 km/ora, 7 te 16 nudo)

Durante di dia basta fuerte te fuerte den rafaga;

Forsa 5 te 6 (31 te 50 km/ora, 17 te 27 nudo)

Situacion general di tempo pa proximo 24 ora:

E aire transporta pa region local ta sigui ta basta humedo. De vez en cuando mas nubla lo pasa den region local cu e posibilidad pa algun awasero breve durante e periodo di pronostico aki.

Condicionnan mari- timo/estado di lama:

Na partinan protegi di costa: keto, rond di 1 pia. Na partinan zuid: trankil 1 pa 3 pia.

Na partinan oost te noordwest di costa: Modera te localmente poco bruto cu olanan alredero di 4 pa 6 pia, localmente 7 te 8 pia.

Aviso/alerta:

Un aviso pa boto chikito ta na vigor pa partinan oost te noordwest di costa.

Aurora

Royal Pray

Funeral Home & Crematory

"I have fought the good fight, I have finished the race, I have kept the faith." – 2 Timothy 4:7

With hearts full of gratitude and love, we announce the funeral of our beloved and devoted mother, grandmother, great-grandmother, sister, and aunt.



Elaine Margaret Rodgers

Sunrise: October 31st, 1944
Sunset: January 10th, 2025

Elaine's life was a testament to faith, love, and kindness. She touched the hearts of everyone she met, leaving behind a legacy of cherished memories. Her gentle spirit will forever remain in the hearts of those who loved her as we take comfort in knowing she is now at peace in the arms of the Lord.

On behalf of her family and friends who are left to mourn:

Parents: †Alberta and †Roland Rodgers

Children

Curven Rodgers and Joanne Geerman
Curven Junior, Xiantee, Xianeika, Ceejay and Jaycee
Giovanni Rodgers and Jasmine Ras

A nephew she nurtured with the love of a mother

Harold and Els Rodgers
Ashley, Allard, †Arwin and Roland

Brothers and Sisters

†Pearl de Graf
Astrid and †Eliane
†Harold Rodgers
George Rodgers
George (Dito) Junior, Griselidys, Darwin and Henry
Rudolf (Dolfi) and Deta Rodgers
Natasha, Ryan, Gabriel, Rashim and Dariene
Theodora Cornett
Fernando and Ferderick

Father of her sons: Henny Adamus

Friends she loved like siblings

Iris Barros, Melva Eman, †Suset Baptist

The neighbors who shared in her life's journey

Family Richardson, Family Eman, Family Celaire, Family Granadillo, Family Barros

The colleagues she worked alongside with pride at

Oriental Restaurant, Talk of the Town Hotel, Concorde Hotel, Police Station Oranjestad

The caretakers whose care, compassion, and dedication provided her with comfort during her time of need, including -
Dr. Thuis and her staff

The nurses and doctors at Dr. Horacio Oduber Hospital
The staff and nurses at Cas di Machi Nursing Home.

The brothers and sisters of the Seventh-day Adventist Church who stood by her in faith offering their love, prayers, and unwavering support throughout her life

Elaine is related to the families

Rodgers, Geerman, Ras, Dubero, de Graf, Peterson, Cornett, Adamus, Baptist, Steward, Howard, Gumson, Zink, Moreno, Richardson, Barros, Eman, Celaire, Granadillo, Ruiz, Luidens, Acosta, Koeiman, Meeyee, Greep, Moreira, Beddo, Romney.

The Funeral Services will take place on **Tuesday, January 21st, 2024, from 9 AM to 11 AM** at **Aurora Funeral Home**, and from there to the Protestant Cemetery in Oranjestad, where Elaine will be laid to rest with her beloved mother and father.

Please accept our sincere apologies if we may have forgotten to mention any other family members or friends.

Our family kindly requests your understanding and respectfully asks that no visitors come to the family home for condolences after the burial.

Aurora

Royal Pray

Funeral Home & Crematory

Lagrima y flornan por seca, su recuerdonan y tur loke el a haci y significa pa nos, lo keda graba pa semper den nos mente y curason.

"Cerca Dios mi alma ta na paz, ta di DJ'E mi salbacion ta bin" Salmo 62:1

Cu dolor na nos curason, pero conforme cu boluntad di Señor, nos ta participa fayecimento di nos mama, wela, bisawela y tatarawela stima:



Sra.vda. Johanna Wolff-Giel

Cariñosamente yama "Machina"
*16-05-1933 - †11-01-2025

Na number di su:

Esposo: †Sr. Joseph "Cheppi" Wolff

Yiunan:

Benny "Mito" Wolff y Pina Wolff-Werleman
Ruben Wolff y Bertha Wolff-Croes
Mirna Kelly-Wolff y Jerry Kelly
Lidia Wolff
Beatriz Tromp-Wolff y Pedro Tromp
Lourdes Wolff

Nieto y nietanan:

Jenny Wolff
Giannine Wolff y Américo Tepedino-Thijzen
Rudberth Wolff
Airisie Wolff y Gary Croes
Jermira Danje-Kelly y Raymond Danje
Jerald Kelly
Zinhy Vrolijk y Johan Geerman
Irving Tromp
Bryan Tromp
Leonel Semerel y Daphny Semerel-Danjo
Reggie Semerel

Bisanieto y bisanietanan: Xylaine Semerel y Justin Lampe, Zyenna Semerel y Brandon Croes, Zyllih Semerel y Luis Rasmijn, Leom Semerel, Alysia Wolff, Tristian Danje, Xiara Danje, Zyzhia Danje, Arya Kelly, Kyan Kelly, Levi Boekhoudt, Aiza Geerman, Liam Tepedino-Wolff

Tataranieta: Zaïleah Croes

Rumannan:

†Betty Engels-Giel y Hans Engels
†Domingo Giel y †Fan Giel-Tromp

Primo y primanan, ihanan, comer y compernan, tur su bon bisñanan y demas famia y conocirnan. Su amistadnan di grupo Bini Bini y e team di Amilia Care Services.

Tur cu a stim'e y demas famia: Giel, Wolff, Semerel, Kelly, Tromp, Vrolijk, Croes, Werleman, Danjo, Danje, Tepedino-Thijzen, Boekhoudt, Jansen, Geerman, Engels, Rasmijn, Lampe, Surios.

Ta invita tur famia, bisña, amistadnan y conocirnan pa e **acto di despedida** cu lo tuma lugar **dialuna 20 di januari 2025 di 2or pa 4or di atardi** na **Misa Santa Anna** na Noord.

Respons lo cuminsa pa **4or di atardi** y despues lo sali cu e defunto stima pa Santana Catolico na Noord.

Nos disculpa si den nos tristesa nos por a lubida algun famia of conocir.

Aurora

Royal Pray

Funeral Home & Crematory

"Señor ta mi Wardador, mi n' tin falta di nada; den cunucu di yerba berde E ta pone mi sosega. E ta hiba mi na awa trankil, pa mi bolbe haya forsa. E ta guia mi den caminda drechi fiel na su nomber" Salmo 23: 1-3

Cu hopi tristeza pero conforme cu Dios su boluntad nos ta anuncia cu a fayece, nos kerida ruman, tanta, prima y amiga:



Sra. Vda. Veronica C.

Geerman- Dabian

mihor conoci como Rhona
*18 april 1948 - †14 januari 2025

Esposo: †Felix Milo Geerman

Na number di su:

Rumannan:

†Felix 'Riri' y famia
Mercedes 'Chichi' Croeze-Dabian y famia
Norma Lampe-Dabian y famia
Candido 'Hai' Dabian y famia
†Celestino 'Miro' Dabian y famia
†Venancio 'Freddy' Dabian y famia
Enocencio 'Romy' Dabian
Mariska Verschoor-Dabian y famia
†Aleo Reeve Dabian y famia
Giovanni "Roque" Dabian y famia

Sua y cuñanan:

†Sofia 'Esperanza' Dabian-Tapias
†Adriaan 'Djan' Croeze
Hermano Lampe
†Catharina 'Arina' Tromp
†Odette Dabian-Wever
Mildred 'Michi' Dabian-Vingal
†Gerard Verschoor
Mirna Dabian-Panneflek
Anette Dabian- Boekhoudt

Ihanan:

Mariska Farro- Rosel
Mélyn Dankerlui
Astra Peash
Primo, primanan, subrino, subrinanan, demas famia, Ex-coleganan di trabou, amigo y conocinan.

Tur Amistad cu a stim'e,

Demas famia: Dabian, Geerman, Rosel, Croeze, Lampe, Navas, Tromp, Wever, Vingal, Verschoor, Panneflek, Erasmus, Boekhoudt, Tapias, De Kort, Fingal, Van der Linden, Dankerlui, Koevermans, Jacobs, Curiël, Rasmijn, Croes, Hermus, Maduro, Ras, Vrolijk,

Ta invita tur famia, amigo, amiganan y demas conocinan pa asisti na **acto di despedida y entiero** cu lo tuma luga riba **20 di januari 2025 di 7or pm - 9or pm** sigui pa un respons na Aurora Funeral Home.

Despedida lo tuma lugar despues den seno familiar.

Lo tin un box disponibel di Wilhelmina kankerfonds pa haci donacion.

Despues di acto di despedida no ta ricibi bishita di condolencia na cas.

Un danki na tur esnan cu a yuda den momentonan difícil, specialmente Nacho Vrolijk y otronan cu ta hopi pa menciona.

Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu inmenso dolor na nos curason, nos ta anuncia
fayecimento di nos tata, welo, ruman y omo stima



Walter Raymond Escalona

Mihor conoci como: “Watty”
*09-08-1940 - †11-01-2025

Mayornan: †Jose Daniel y †Jacintha “Pepe Chinta”
Escalona-Toppenberg

Na number di su:

Señora: †Selvia Escalona-Giron

Yiunan:

Anna Dirksz-Escalona y famia
†Yolanda “Yoli” Escalona y famia
Raymond “Monchi” Escalona y Jacky Ruiz y famia
†Sharine Escalona y famia

Manera yiu:

Zoila Giron y famia
Manuel Rodriguez y señora

Nieto(a)nan: Ryan Martha, señora y yiunan,
Sharlene de Camps-Tromp y casa y famia, Alexander
Werleman, señora y famia, Lionel Tromp y famia,
†Jennifer Werleman y famia, Kenrick Dirksz y famia,
Dario Sierra y famia, Dairon Sierra y famia, Nathaly
Dirksz, Andrew Dirksz y famia

Rumannan:

Boy y †Riet Escalona-Meyering y famia
†Fefa y Chepito Croes-Escalona y famia
Judith y Fenchi Rincones-Escalona y famia
Erick y Francis Escalona- van Klaveren y famia
†Jeanette “Jenny” Escalona y famia
†Ebby Escalona y famia

Swa y cuñanan:

†Margarita Giron y Roberto Orman
Irena y †Maximo Werleman y famia
†Jose y Mary Giron-v/der Biezen y famia
Juan y Madeline Giron-Kelkboom y famia
†Angel y Inez Giron-Molina y famia
Pilar y Nicolaas “Nick” Rasmijn y famia
Maria Giron y famia

Bisanietonan, sobrino y sobrinanan y nan famia,
primo y primanan y famia, lhanan, comper y comer

Demas famia: Escalona, Giron, Hollmond, van
Klaveren, Rincones, Croes, Raven, Toppenberg,
Spencer, Cardoze, Ortez, Petronia, Donata, Sierra,
Frans, Refunjol, Dirksz, Werleman, Ruiz, Tromp,
Martha, De Camps, Jansen, Croes, Martes, Velez,
Rodriguez, Lake, Orman, Kelkboom, Rasmijn, v/der
Biezen, Violenus, Vos, Cambero, Gomez, Velasquez,
Arias, Ras

Demas famia, bisiaña y conocirnan ta wordo invita pa
acto di despedida cu lo tuma lugar **diasabra 18 di
januari 2025 di 2:00 pa 4:00 pm** na Aurora Funeral
Home. Cremacion lo tuma lugar den seno di famia.

Dispensa nos si den nos tristeza nos por a lubida
algun famia.

Aurora

Royal Pray

Funeral Home & Crematory

Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

A bai sosega den brasa di señor:



Edsel Teodulo Antonia

Miho conoci como “Tete” yiu di defuntu Chita y Moi
*04-04-1954 - †10 -01-2025

Yiu nan:

Judari Albies Rosalina
Myenou Antonia
Julienne Jansen

Nieto (a) nan:

Ozhaino Albies
Zhaihir Albies
Mycheline Grant
Mar-Yelina Grant
Q’jaenely Kleinmoedig

Ruman nan:

Greta(Chichi) Michel
Ronald(Roni) Antonia
Edmundo(Mundu) Antonia †
Autimio (Timu) Antonia
Hubert Antonia †
Edric (Edi) Antonia
Miriam Antonia
Magali Antonia
Richinel Antonia †
Rudsel Antonia †
Roland Ogenio †
Ingrid Papa Ogenio
Idis Luis Ogenio
Rinia Ogenio
Merugia Isenia Ogenio
Merelin Adelina Ogenio †
Robert Ogenio †
Renny Ogenio
Kenneth Ogenio
Humphrey Merselita †
Chichi Finix †
Benjamin Finix †
Wilfrido Sambo †
Irene Sambo †

Sobrino(a), Primo(a) nan, Swa y cuña nan.

Tanta: Jeana Clemencia Hasselmeijer

Iha: Andre Cruz

Su bon bisina: Sra Portugues

Tur su bon Amigo(a)nan

Demas famia: Antonia-Albies-Rosalina-Jansen-Grant-
Kleinmoedig-Gijsbertha-Michel-Dolorita-Ogenio-
Girigori-Benita-Martes-Martha-Sambo-Adamus-
Belioso-Mercera-Dorothea-Fransisca-Amerikaan-
Martis-Finix-Pablo-Crestia

Ta invita famia, bisiaña, conocir y amistad nan pa asisti
na e **acto di condolencia y despedida** di nos defunto
stima cual cu lo tuma lugar **Diasabra 18 Januari 2025**
di **9or di mainta pa 11or** di merdia na Aurora Funeral
Home. **Respons** lo cuminsa pa 10:30am. Despues
Cremacion lo tuma lugar den seno familiar.

Nos disculpa si den nos tristeza nos por a lubida un
miembro di famia of conoci.

Aurora

Royal Pray

Funeral Home & Crematory

“Señor ta mi wardador,
mi’n tin falta di nada
Den cunucu di yerba berde e
ta ponemi sosega.
E ta hibami na awa trankil,
Pa mi bolbe haña forsa”.
Salmo: 23



Cu dolor na nos curason pero conforme cu
boluntad di Señor nos ta anuncia fayecimento
di:

Hilda Angelica Raphaëla-Martinez

*27-01-1929 – †16-01-2025

Acto di entiero lo wordo anuncia despues.

Aurora

Royal Pray

Funeral Home & Crematory

*Lagrima y flornan por seca, su recuerdonan y tur loke
el a haci y significa pa nos, lo keda graba pa semper
den nos mente y curason. “Cerca Dios mi alma ta na
paz, ta di DJE mi salvacion ta bin”
Salmo 62:1*

A fayece inesperadamente:



Joaquin Giovanni Vrolijk

Cariñosamente yama “Ivan”
*01-08-1969 - †27-12-2024

Acto di entiero lo wordo anuncia despues

Aurora

Royal Pray

Funeral Home & Crematory

“Señor ta mi wardador, mi’n tin
falta di nada
Den cunucu di yerba berde e ta
ponemi sosega.
E ta hibami na awa trankil,
Pa mi bolbe haña forsa”.
Salmo: 23



Nos ta anuncia fayecimento di:

Roland Raymond Tromp

Mihor conoci como: “Roly”
*04-10-1954 – †14-01-2025

Acto di entiero lo wordo anuncia despues.

Ministernan di Asunto Exterior na Sureste Asia ta busca solucion den conflicto tocante disputa di South China Sea

(AP)—Ministernan di Asunto Exterior na Sureste Asia a reuni ayera pa nan prome reunion e aña aki bao e presidencia nobo di e bloc di ASEAN, Malaysia, buscando un solucion pa e guerra civil na Myanmar y disputanan teritorial den e South China Sea.

E reunion na Langkawi tabata e prome reunion grandi di e Asociacion di Nacionnan den Sureste Asia (ASEAN) organisa pa Malaysia. Oficialnan a bisa cu e bloc tin e meta pa mapa su direccion pa e aña aki mientras e ta purba di resolve e crisis mortal na Myanmar y tension tocante China su insistencia den e South China Sea.

Ministernan di Asunto Exterior Malaysia, Mohamad Hasan, a bisa cu Myanmar—representa pa un oficial di e ministerio di Asunto Exterior despues cu lidernan di junta a ser prohibi di forma parti di e reunionnan di ASEAN—a informa e encuentro tocante plannan pa un eleccion general e aña aki. Pero e bloc kier pa e



gobierno di Myanmar garantiza paz prome cu tene eleccion, el a bisa. “Nos a bisa cu e eleccion mester ta inclusivo. E eleccion no por tuma luga den isolacion, e mester envolvi tur partido di interes,” el a conta durante un conferencia di prensa na fin di e reencuentro. “Nos a bisa nan cu e eleccion no ta nos prioridad. Nos prioridad ta pa stop e violencia andante.”

E crisis na Myanmar a surgi como un di e retonan mas grandi di e bloc desde un rebelion militar a saca n gobierno civilmente eligi na februari 2021, hincando e pais den conflicto. Esaki a causa un movimiento di resistencia arma, cu forsanan rebelde awor controlando gran partinan di e pais. E guerra a resulta den dies miles di hende, y a desplasa miyones.

E plan di paz di ASEAN y otro esfuersonan pa busca un solucion no tabata exitoso te awor, stroba pa e politica di no-inteferencia di e bloc y e rechazo di e junta na Myanmar pa coopera. E gobierno militar ta spera cu un eleccion lo legitimisa su gobernansa, pero criticonan ta bisa cu e eleccion probablemente no lo ta liber of husto.

Malaysia, cual a trece Myanmar den ASEAN durante su presiden-

cia di e bloc na 1997, ta anticipa di tuma un posicion pa proactivo como cu e crisis na Myanmar a resulta den e florecemento di actividad criminal, estafa online y trafico di hende riba e frontera Myanmar.

Hasan a bisa cu Malaysia a apunta Othman Hasin, un ex-oficial mayor di e ministerio di Asunto Exterior, como enviado special pa e presidencia di ASEAN pa Myanmar participa den varios fraccion den e pais pa asina haya un solucion. “Nos no tin intencion pa dirigi Myanmar,” el a bisa, agregando cu dialogo y diplomacia tabata e miho strategia pa yuda e pais regresa na su caminda democratico.

Hasan a bisa cu tambe a discuti e consecuencianan di e segundo termino di presidente Mericano Donald Trump riba e region mirando su rivalidad cu China. El a bisa cu e ministernan a trece nan preocupacion dilanti cu competencia entre e podernan grandi aki por aumenta e tension y tin efecto den e region. El a bisa cu e ministernan di ASEAN a subraya e urgencia pa fortalece unidad regional y haci integracion economico un prioridad halto memey di incertidumbre global.

“Nos mester sigura cu ASEAN ta keda nos plataforma central pa busca solucion...nos ta e voceronan pa esnan sin bos. Nos mester crea nos mesun caminda pa dilanti,” el a bisa.

Tension riba e South China Sea, un di e rutanen mas crucial pa barconan di carga, tambe tabata prioridad riba e agencia despues di confrontacionnan violento aña pasa. Hasan a bisa cu e ministernan a haci yamado pa negociacionnan acelera entre ASEAN y China riba un codigo di conducta riba e ruta marino. Oficialnan tabatin e meta pa conclui na 2026 pero e discusionnan a para pa via di desacuerdonan incluyendo si e pacto mester ta vinculente y su scala di cobertura.

“Nos a enfatisa cu e South China Sea mester keda pasivo y stabiel,” Hasan a bisa.

Miembronan di ASEAN, Vietnam, Filipinas, Malaysia y Brunei hunto cu Taiwan, tin kehonan similar cu China, cual ta insisti soberania riba virtualmente henter e South China Sea. Navenan di China y Filipinas a haya nan mes den conflicto varios biaha aña pasa. Forsanan Chines tambe a asalta piscadornan Vietnames. ASEAN no a critica China publicamente, cual ta e partner mas grandi di comercio den e bloc.

Como presidente, Malaysia lo probablemente pusha pa diplomacia keto mientras e ta balansa retonan di seguridad cu beneficio economico, analistanan ta bisa. “E lo ta pragmatico di Malaysia, mirando cu e pais—como tambe ASEAN en general—ta falta e forza militar pa confronta China riba e South China Sea,” segun Muhammad Faizal Abdul Rahman, un investigador na S.Rajaratnam School of International Studies na Singapur.



Aurora Royal Pray Funeral Home & Crematory

Laga tur loke ta spera mi ta bunita

Laga tur locual cu mi encontra na caminda ta bunita

Laga tur locual cu mi laga atras keda bunita y Laga esakinan termina den tur buniteza.

Cado Weber.



Nos ta anuncia fayecimento di

Yolanda Filomena Rosel
*12-08-1950 - †16-01-2025

Acto di entierro lo wordo anuncia despues.

Aurora Royal Pray Funeral Home & Crematory

"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi" Salmo 33

Cu dolor na nos curason, nos ta participa fayecimento inesperadamente di:

John Steve van der Linden
*20-03-1968 - †02-01-2025

Acto di entierro lo wordo anuncia despues



Inauguracion di Trump ta e prome cu presencia di lidernan stranhero

(AP) – Pa prome biaha den historia Mericano, un presidente electo ta bay ricibi lidernan stranhero pa un di e tradicionnan politico mas Mericano – e transferencia pacifico di poder.

Presidente electo Donald Trump a invita presidente Chines, Xi Jinping y lidernan di mundo conservador manera presidente Argentino, Javier Milei y premier Italiano, Giorgia Meloni na e inauguracion. Xi a manda su vice-presidente como representante.



Anteriormente, ningun hefe di estado a haci un bishita oficial na Merca pa e inauguracion. Algun di nan, manera Milei y presidente Paraguay Santiago Peña, tabata invitado special diasabra nochi pa e Baile Inaugural Hispano, unda varios nominado di Trump pa posicionnan clave den Gabinete tabata presente. Esey a inclui Senador Marco Rubio, scogi pa lidera Departamento di Estado, y Robert F. Kennedy Jr., nomina pa lidera e Departamento di Salud y Servicio Humano.

Yegando awe na Washington pa e di 60 inauguracion: Presidente Chines Xi Jinping, kende tabata e prome lider cu su invitacion na e inauguracion a bira publico na december. Vice-presidente Han Zheng ta bin den su nomber.

Presidente Argentino, Milei tabata e prome lider stranhero pa reuni cu Trump despues di eleccion dia 5 di november, bi-ahando for di Buenos Aires na e club Mar-a-Lago di e presidente electo.

Premier Italiano, Meloni ta otro lider cu recientemente a bishita Mar-a-Lago. Su agenda semanal ta bisa cu e ta bay atende e ceremonia di hura-mentacion.

Presidente pro-Occidente di Georgia, Salome Zourabichvili ta bay atende e ceremonia como invitado di Senador Mericano, Joe Wilson.

Presidente Frances, Emmanuel Macron, kende a reuni cu Trump luna pasa na Paris



durante reapertura di Catedral Notre Dame, no ta bay ta presente na e inauguracion di Trump. Pero figuranan di derecha di e pais a bisa cu nan ta biahando pa e inauguracion. Eric Zemmour, un presentador di talk show kende a bira politico conservador y su partner, Sarah Knafo, miembro di Parlamento Europeo, a bisa cu nan ta bay ta presente.

Politico prominente di ultra derecha, Marion Marechal a bisa den un declaracion cu e tambe ta bayendo. E ta miem-

bro di Parlamento Europeo.

Ademas, oficina di presidente Ecuatoriano, Daniel Noboa y presidente Paraguayo, Santiago Peña a bisa cu nan tabata invita pa e inauguracion y tabatin plan pa atende.

Taiwan a manda presidente di Congreso, Han Kuo-yu y siete otro na Washington pa e inauguracion, pero ministerio di Exterior Taiwanés a bisa cu su delegadonan no lo atende e ceremonia awo cu a mov'e paden pa motibo di clima friu.

Tres rehen a yega Israel pa reunionnan na yoramento

(AP) — E prome tres rehen libera for di Gaza a yega na Israel ayera pa reunionnan na yoramento cu nan famia, algun ora despues cu e alto-al-fuego fragil entre Israel y Hamas a drenta na vigor, despues di 15 luna di guerra.

Palestinonan a warda pa e prome liberacion di prisioneronan deteni pa Israel.

Video a muestra Emily Damari, 28; Romi Gonen, 24; y Doron Steinbrecher, 31, den un

entrega tenso na e Cruz Cora riba un caya den Ciudad di Gaza. Nan tabata rondona pa un multitud di miles, compana pa hombernan cu cara tapa, bistiendo headband berde di Hamas. A hiba e muhernan cerca forsan Israel y despues den Israel, unda nan mamanan tabata warda.

E tres muhe tabata den condicion stabiel, Centro Medico Sheba a bisa, y autoridadnan a publica video di nan reuniendo cu nan famia, brasando

duro y yorando. Ehercito Israeli tambe a publica imagen di Damari hisando un man herida den triunfo. A bisa cu el a perde dos dede den e atake cu a inicia e guerra.

Na Tel Aviv, miles di persona cu a reuni pa mira e noticia riba pantaya grandi a kibra den aplauso. Pa lunas, hopi a reuni na e plaza semanalmente pa exige un acuerdo di alto al fuego. “Henter un nacion ta brasa boso,” prome minister Israeli,



Benjamin Netanyahu a bisa.

Gonen a keda secuestra for di e festival di musica Nova, mientras e otro nan tabata secuestra for di Kibbutz Kfar Aza. Damari tin nacionalidad dobel Israeli-Britanico, y Steinbrecher Israeli-Romano.

E acuerdo di alto al fuego ta duna inicio na seis siman di tranquilidad y ta trece speranza pa liberacion di e casi 100 rehen cu ainda ta secuestra, y un fin na e guerra. Un retraso di ultimo momento di Hamas a atrasa e inicio di e tregua cu casi tres ora, pero e vocero di Hamas su hala militar a bisa despues cu ta comprometi na e acuerdo.

Despues a bin e liberacion di 90 prisionero Palestino. Den West Bank, famia y amigo a reuni emocionadamente mientras auto a pita y zwaai e bandera Palestino. Cinco ora despues di liberacion di e rehennan, e espera a continua. Un vocero Israeli riba rednan social a adverti contra “riot y marchan arma” rond di e liberacion.

E tregua, cu a cuminsa pa 11:15am ora local, ta e prome stap pa finalmente caba e conflicto y debilbe e rehennan secuestra pa Hamas den e atake dia 7 di october 2023. Esaki ta apenas e di dos alto al fuego den e guerra, mas largo y consecuente cu un pausa di un siman na november 2023.

